

Júu[^] e to_o fí' ní' jì' quiá'⁻ Paa⁻ e catíng⁻ dsea⁻ seeng⁻ fí' ROMA

¹ Jnea⁻ Paa⁻ lín⁻ n' jaang⁻ dsea⁻ i jmóo⁻ laj_i⁻ e iing⁻ Dsea⁻ Jmáang⁻. Jo Fidié⁻ bing⁻ i cató⁻ jnea⁻ e laco⁻ ca'uíin⁻ n' jaang⁻ dsea⁻ apóo⁻ i óo⁻ ta⁻ quiá'⁻ jogui caguíñ⁻ jnea⁻ e laco⁻ niguiaa⁻ júu[^] quiá'⁻ Dsea⁻ Jmáang⁻ quiá'⁻ jial laang⁻ dsea⁻ jee⁻ jalé⁻ dsee⁻ quiá'⁻.

² Jo nicajméeb⁻ Fidié⁻ júu[^] quiá'⁻ jalé⁻ e júu[^] quiá'⁻ Dsea⁻ Jmáang⁻ na lami⁻ jéeng⁻ gui la'eáang⁻ cóo⁻ jalé⁻ jì' e cajme⁻ jaléng⁻ dsea⁻ i nicafé⁻ cuaiñ⁻ quiá'⁻ mali⁻ gui eáang⁻. ³⁻⁴ Jo e júu[^] jo fé⁻ cuaiñ⁻ quiá'⁻ Fíi'naa⁻ Dsea⁻ Jmáang⁻ i líng⁻ Jóo⁻ Fidié⁻. Jo dsea⁻ do cajar⁻ fí' jmigüí⁻ la e líiñ⁻ jaang⁻ dsea⁻ jmigüí⁻, dsuco⁻ líiñ⁻ dsea⁻ siju⁻ dseata⁻ Daví⁻. Dsu⁻ cajmijnéeng⁻ Fidié⁻ e la'eáang⁻ cóo⁻ Jmiguí⁻ quiá'⁻ 'ñia⁻ bre e Fíi'naa⁻ Dsea⁻ Jmáam⁻ bing⁻ líng⁻ i Jóor⁻ camíng⁻ i dsíng⁻ 'gøng⁻ do. Jo cajmijnéeiñ⁻ lajo ie⁻ lami⁻ cajmijí⁻ tur i Jóor⁻ do jee⁻ jaléng⁻ 'líi⁻.

⁵ Jo la'eáang⁻ cóo⁻ Dsea⁻ Jmáang⁻, jogui uí⁻ e eáang⁻ guiúng⁻ Fidié⁻, joba⁻ cacuø⁻ r' jnea⁻ e ta⁻ laniing⁻ la e ca'uíin⁻ n' jaang⁻ dsea⁻ apóo⁻ quiá'⁻. Jo lín⁻ n' lajo e laco⁻ niguiaa⁻ júu[^] quiá'⁻ jee⁻ jaléng⁻ dsea⁻ jmigüí⁻, jo lajoba⁻ nijá⁻ líng⁻ dsea⁻ jogui nijmér⁻ núu⁻ r' e júu[^] quiá'⁻ dsea⁻ do. ⁶ Jo jee⁻ jaléng⁻ i dsea⁻ í' quíim⁻ 'nú⁻ cajo, dsea⁻ i cató⁻ Fidié⁻ e laco⁻ ca'uíing⁻ na⁻ dsea⁻ quiá'⁻. ⁷ Jo e jì' la catíng⁻ 'nú⁻, dsea⁻ rú⁻ naa⁻ dsea⁻ quiá'⁻ Dsea⁻ Jmáang⁻ i seeng⁻ fí' na fí' Roma. Jo eám⁻ 'neáang⁻ Fidié⁻ 'nú⁻ jogui nicaguíñ⁻ 'nú⁻ e ni'uíing⁻ na⁻ dseáng⁻ dsea⁻ quiá'⁻. Jo mñ⁻ i Tiquí⁻ ii' Fidié⁻ cóo⁻ gui Fíi'naa⁻ Dsea⁻ Jmáang⁻ e ni⁻ r' güea⁻ quiá'⁻ jee⁻ jaléng⁻ 'nú⁻, jogui e nicuø⁻ r' 'nú⁻ e seeng⁻ na⁻ juguí⁻ júu[^] røø.

Lajee` e iing` Paa` dsi`eer` dsea` quiá'- Dsea` Jmáang- i seeng` fí` Roma

⁸ Jo la'uii` júu` quié`-e e fíi`-guíi` 'nú', dsea` rú`'naa' dsea` quiá'- Dsea` Jmáang-, quiá'- e cuóø`ø` gui'máang' Fíi`i` Fidiée` uii`-quíi`-na' lajiing`na' la'eáang` cóo`~ Fíi`naa' Dsea` Jmáang-, dsuco' fí' la fí' na fé' dsea` jial e já' líng`na' júu` quiá'- Dsea` Jmáang- e car`ngocáng` óo`na'. ⁹ Jo guiú`b- níi`i` Fidiée` e laco` ya' mí` fón`nre, míi`-ire uii`-quíi`-na'. Jo jnea` jmóo`o` dseáng'- e ngocáng` dsii`-lajii`~ e iing` dsea` do e guiaa- e júu` quiá'- i Jóor' Dsea` Jmáang- do. ¹⁰ Jogui` mii`-bí` yejí` Fidiée` cajo e song e iáang` dsíir' e nicuó'r- jnea` fí', joba' ninií`-i e ni'ee` e 'nú' jóng. ¹¹ Jo eáam' iin`n e nijmee` e lajo e laco' cuóøng` e nijmicóo`~o` 'nú' cóo`~ jalé` e guiú` e ngíng`naa' e cuo' Fidiée` jneaa`aa' la'eáang` cóo`~ Jmiguí` quiá'r-. Jo la'eáang` cóo`~ jalé` e joba' e nisíng`-gui' teá' fí' guiú`- cóo`~ Dsea` Jmáang-; ¹² jo laco' cuóøng` fá`a e nijmicóo`~gui` rú`'naa' la'eáang` e já'- líi`naa' júu` quiá'- Dsea` Jmáang-.

¹³ Jo eáam' iin`n e níi`na', dsea` rú`'naa' dsea` quiá'- Dsea` Jmáang-, e jmiguiú`b` ya' nica'f` dsii`- e ninií`-i fí' na e ni'ee` e 'nú', dsu' cartí` lana jmiguiú`b` e nicajníng` quié`e, joba' ja` mí` calí`- fa' e nicagá`-a fí' na. Jo uiiing` quiá'- e ninií`-i fí' na e laco' nijmicóo`~o` jaléng` i dsea` na e laco' ni'uíiñ`- dsea` quiá'- Dsea` Jmáang- lí' laco' jíi`~ e nicalí`- fí' góo` dsea` lí`-jíé'. ¹⁴ Co' 'né` e niguiaa`-baa júu` quiá'- Dsea` Jmáang- jee` jaléng` dsea` i neáang` fí' góo` dsea` cóo`~gui` jaléng` dsea` i neáang` fí' jee` mó` lí` huíi`-, jogui` jee` jaléng` dsea` i tíing`-jí` cóo`~gui` jee` dsea` i ja` líng` lajo; ¹⁵ joba' dsíng`- iin`n e ninií`-i fí' na fí' Roma e laco' niguiaa`-júu` quiá'- Dsea` Jmáang- jee` jaléng` 'nú', dsea` neáang`na' fí' na.

Jial 'gøng' júu^ quiá^- Dsea` Jmáang^-

16 Jo fñ-guñ 'nú', dsea` rú'naa' dsea` quiá^- Dsea` Jmáang^, jnea~ dseáng^- eám' nita~ dsii^- cóo~ júu^ quiá^- Dsea` Jmáang^, co' la'eáang' cóo~ e júu^ 'gøng' do niqúñ~ Fidiéé~ jmiñ~ e nileáíñ^- jaléng' dsea` jee~ jalé' dsee^- quiáíñ^-. Jo la'uii~ catíng^- lajo jaléng' dsea` Israel, jogui lajõbi cajo jaléng' dsea` i ja` líng' lajo. 17 Jo e júu^ quiá^- Dsea` Jmáang^- na e' jneaa~aa' e nica'íng' Fidiéé~ jneaa~aa' e lí'naa' dsea` i ja` røøng` dsee^- fí quinir~ la'eáang' e já^- lí'naa' júu^ quiá'r^-, jo jo` ee` 'né^- jmó'guñ' e jíé'gui, co' lalab fé' fí ní` jì quiá'r^-: "Jo la'eáang' e já^- líng' jaang' dsea` júu^ quiá^- Fidiéé~, joba' Fidiéé~ íñ' i dsea` î e lííñ' jaang' dsea` i ja` røøng` dsee^- fí quinir~."

Jalém' dsea` jmiğúî óor` dsee^-

18 Jo ninee~ jøø'baa' e Fidiéé~ i guing~ fí ñíñ^-, íb` i guíng^- quiá^- jalé' e ja` dseeng` cóo~gui jalé' e 'lí'^ e jmóo` dsea`, dsuco' cóo~ jalé' e 'lí'^ e jmóo` jaléng' i dsea` î, jnñíñ' quiá^- jaléng' dsea` rúíñ^ i iing~ nilicuñ' júu^ sea` contøøng^- quiá^- Fidiéé~. 19 Co' lajalé' e cuøøng` nilíñ' dsea` quiá^- Fidiéé~, guiúb^- niñí jaléng' i dsea` î, co' 'ñiab' Fidiéé~ nicajméer` e nicaliñí jaléng' dsea` jmiğúî lajalé' e jo. 20 Co' lajúi~ lati' mí~ canaang` uiiñ~ jmiğúî, lajúi~ e líng' Fidiéé~ e ja` quñ' dsea` jmiñ~ nilíñir~, fa' la e 'gøíñ' e sea` lata~ jogui e dseáng^- jíí~ íbre lííñ' Fidiéé~, jo lajalé' e jo cuøøng` nilíñ' dsea` la'eáang' cóo~ jalé' e nicajméer` fí la'úng^- fí jmiğúî. Joba' jaléng' i dsea` î ja` cuøøng` fa' e nífé'r` e ja` caliñir` e seeng` Fidiéé~. 21 Jo nañí' fa' niñí'bre e seeng` Fidiéé~, dsu' ja` cajmi'gór` dsea` do laco' catíng^-, o'gui cacuø'r` dsea` do gui'máang' cóo~ jalé' e guiú^ e nicajmée` dsea` do. Dsu' o' lajo, co' lí' lí' í dsíir` jmang^- júu^ e ja` uing~ seab~, jogui nicajñíb^- moguir~ fa' e ní'f^- dsíir` jalé' e guiú^-. 22 Co' fé'r` yaaiñ~

e líiñ' dsea` i ttiing` eáang', dsu' o' já' lajō, cō' íib' líiñ'.
²³ Dsūcō' jo' jmféiñ' Fidiée` i 'g'ong' i seeng` car` ngonghí`
 jmiñ, jo' nicanaaiñ` cajmeáaiñ` diée` quiá'r- cōo' guóor`
 i líing` la líing' dsea` jmigúí` osi i líing` la líing' ta' é, osi
 i líing` la líing' jó' quiú` tíi` é, osi i líing` la líing' jaléng`
 jó' i dsijñúung` uó- é; jo' lajaléng` íb` i cajmiféiñ' e lafa' e
 nijmiféiñ' Fidiée`.

²⁴ Jo' uí' e jmóo` i dsea` do jalé' e 'li'^ do, joba' Fidiée`
 nicatiúum` bre jaléng` í e laco' nijméiñ' do jalé' e 'li'^ jo
 e lí' dsíir', cō' eáam` ga` beáng' dsee` yaaíñ` lajee` la'ó'
 yaaíñ`. ²⁵ Dsu' lafa' e nijmitir` lajii' e júu` quiá' Fidiée`
 e sea` contøong`, jo' lico' jmitir` lajii' júu` e o' jáb', jogui
 jmi'gór` jogui jmféiñ' lajii' e sea' fí' jmigúí' e cajmée`
 Fidiée` e lafa' e nijmiféiñ' 'ñia' Fidiée` i cajmée` jalé' e jo.
 Cō' jii' dsea` íb` i catíing` i nijmiféng' dsea` car` ngonghí`
 jmiñ. Jo' lajob` 'né` lí'.

²⁶ Jo' uí' e jmóo` jaléng` i dsea` do lajō, joba' Fidiée`
 nicatiúum` breiñ' do e laco' nijméiñ' jalé' e 'li'^ e lí'
 dsíiñ' do e quí' ttiíñ` jmóor`. Dsūcō' la quie' cartí' jaléng`
 dseamí` nicatú` bre lajii' e catíing` jmóor` cōo' jaléng`
 dseañu', jo' nicanaaiñ` jmóor` lajō lajee` la'ó' dseamíiñ`.

²⁷ Jogui lajobi cajo cajmée` jaléng` dseañu', nicatú` bre
 lajii' e catíing` jmóor` cōo' jaléng` dseamí, jo' nicanaaiñ`
 e jo' téeiñ` yaaíñ, cō' nijmóor` lajii' e ja` catíing` nijmér`
 lajee` la'ó' dseañuiñ'. Jo' la'ó' dseañum` bre nijmóor`
 lajii' e 'li'^ rúíñ', joba' fí' ngúu` táam` jaléng` i dsea` la'í
 íñ' iihuí' e jáa' quiá' Fidiée` uí' e jmóor` jalé' e 'li'^ lajō.

²⁸ Jo' cō' jo' iing` gui dsea` fa' e nijmicuíñ` Fidiée`, joba'
 Fidiée` nicatiúum` bre jaléng` í, jo' jo' jñíiñ` quiáíñ' do
 e ni'í- dsíiñ' jalé' e 'li'^ e já- dsíiñ', jo' cōo' jalé' e í
 dsíiñ' do canaang` jmóor` jalé' e ja` dseeng` e ja` catíing`
 nijmér`. ²⁹ Jo' jaléng` i dsea` í jmóor` laji' íing` e ja`
 dseeng` e sea' fí' jmigúí, jogui jmóor` laji' íing` e lí' dsíi'

ngúu' táaiñ, jogui eáam' jmáin' ga' jaléng' dsea' rúin', jogui eáam' dsihuúin' quía' jaléng' dsea' rúin', jogui jmóor' ta' jngang' jaléng' dsea' rúin', jogui jmóor' ta' t'ing', jogui jmiǵóin' dsea' rúin', jogui contøom' í' dsír' e ga' quía' dsea' rúin', jogui jmóor' ta' quie' adsee, ³⁰ jogui fé'r' júu' ga' quía' jaléng' dsea' rúin', jogui 'ní' níim' bre Fidiée', jogui ja' i' líiin' cóo' jalé' e ga' e jmóor', jogui fé'r' júu' róo' uii' quía'r' yaaiñ, jogui eáam' jmiǵløng' yaaiñ' jee' jaléng' dsea' rúin', jogui 'nó'r' jial nijmi'uíin' jalé' e ja' dseeng', jogui ja' jmóor' núu'r' lajii' ta' quiu' dsea' cóøng' quía'r', ³¹ jogui ja' iin' e ningáin' lí' doñí' ee' e guiá', o'gui jmitir' jalé' júu' e fé'r', jogui ja' 'neáaiñ' jaléng' dsea' rúin', jogui ja' tiiin' íin' dsee' quía' jaléng' dsea' rúin' o'gui fi' líiin' jii' jaang' dsea' rúin' cajo. ³² Jo jaléng' i' dsea' la'f' niñi'bre guiá' e Fidiée' nicacuør' júu' quía'r' e doñí' ii' dsea' i' jmóo' lajo, dseáng' né' e nijúum' bre. Dsu' ja' ee' lí' e niñir' lajo, dsu' mí' 'noo'bi jmóor' jalé' e ja' dseeng' lajo, jo jii' gui cartí' íaang' dsí'bre mi' jmóo' jaléng' dsea' jiéng' e ga' lajo.

2

Fidiée' bing' i' quidsí' í' lacø' cat'ing' quía' lajaléng' dsea' jmiǵüf

¹ Jøba' fi' guú' 'nú', dsea' rú'naa', ii' 'nú' cuø'na' dsee' dsea' rúng'na', ja' e lí' ii' líng'na', dsu' mi' jmoo'na' lajo, yaam'ba' cuø'na' dsee' yaang'na' jóng, dsuø' 'nú' jmoo'na' ga' lí' lacø' la jmóo' i' dsea' íb' cajo. ² Jo nine'baa' røø' e lacø' cat'ím' quidsí' Fidiée' í' quía' lajaléng' dsea' i' jmóo' e ga' lajo. ³ Dsu' 'nú', dsea' cuø'na' dsee' jaléng' dsea' rúng'na', ja' güi'f' óo'na' fa' e ja' niquidsí' Fidiée' í' quí'na' lacø' cat'ing', cø' 'nú', røøb' jmoo'na' cajo lacø' jmóo' jaléng' i' dsea' i' jmóo' e ga' lajo. ⁴ Jo eáam' guiúng' Fidiée' cóo' 'nú', jogui eáam' féng' dsír' cajo.

Jø uíi' e eáam' guiúíĩ- do, joba' nisijeeĩĩ- 'nú' cartí niquí'- jíing'- yaang-na' fí quínir'. Dsu' 'nú', ja' iing-na' jmée'-na' cuenta jial tíí' guiúíĩ- cóo'- 'nú'. ⁵ Jø có' jaléng' 'nú' eáam' ue' óo'na' joguí ja' iing-na' fa' e niquí'- jíing'- yaang-na' fí quini' Fidiée', joba' eáam' nijmi'míing'-na' jalé' iihuí' e catíing'-na' mi' nití- í' e niquidsí' Fidiée' í' laco' catíing'- quiá'- lajaang' lajaang' dsea' jmigúí'. ⁶ Co' ie' jmiĩ' job mi' niquír- quiá'- lajaang' lajaang' dsea' lí' jialco' jíí' e nica'ée' dsea' lajee' e seeĩĩ' fí jmigúí' la. ⁷ Jø jaléng' dsea' i' 'nó' jial e nifé' Fidiée' guiú- uii' quiá'r- joguí jial e niĩíĩ- quiá'- dsea' do jalé' e jlo' e catíĩĩ- joguí jial e niliseeĩĩ' lata' uíi' e cuø' dsíir' e jmóor' jalé' e guiú-, joba' lajaléng' dsea' i' jmóo' lajo, Fidiée' nicuó'-bre jaléng' í' e niliseeĩĩ' cøong' cóo'r- lata'. ⁸ Jø dsu' lajaléng' dsea' i' jmóo' lajíí' e lí' dsíir' yaaiĩ- joguí ja' núur' jalé' ta' huí', có' lí' lí' tí'gui dsíir' e jmóor' jalé' e ja' dseeng', jø uíi' joba' Fidiée' eáam' nisiguíĩĩ- quiá'- jaléng' í', jø iihuí' e eáam' nicuó'-reiĩ'. ⁹ Joba' jaléng' i' dsea' i' jmóo' jalé' e ga' lajo, eáam' fí'í' nilíĩĩ- cóo'- jalé' iihuí' e ni'íĩ' e jáa' quiá'- Fidiée', jø jee' jø quiéeng' jaléng' dsea' i' líing' dsea' Israel joguí dsu' lajobi' cajo jaléng' dsea' i' ja' líing' dsea' Israel. ¹⁰ Dsu' jaléng' i' dsea' i' jmóo' jman' jalé' e guiú-, 'ñiab' Fidiée' nicuó'r- jaléng' í' jalé' e jlo' e catíĩĩ-, joguí nifé'r' guiú- uii' quiá'ĩĩ-, joguí nicuó'r- e niliseeĩĩ' juguí- contøong- cajo. Jø jee' jø quiéeng' jaléng' dsea' Israel, joguí dsu' lajobi' cajo jaléng' dsea' i' ja' líing' dsea' Israel. ¹¹ Co' Fidiée' ja' cár' cuenta jial líing' dsea', có' røøb' lí'naa' lajíĩ- naa' fí quínir'.

¹² Jø jaléng' dsea' i' ée' dsee- e ja' mí' calicuír' e júu' quiú' ta' quiá'- Moi-, joba' mi' nití- í' e júuiĩ- ja' ni'íĩ- í' quiá'r- la'eáang' cóo'- e júu' quiú' ta' do; jø dsu' jaléng' dsea' i' ée' dsee- nañí' fa' nicuí' bre jial fé' e júu' quiú' ta' do, joba' mi' nití- í' e júuiĩ-, cóo'- e júu' quiú' ta'

dob ni'fiī í' quiá'r̄ laco' catfinḡ. ¹³ Co' ja' ni'fing' Fidiée' jaléng' i dsea' i lico' núu' e júu' quiu' tā do e lfiin' dsea' i ja' røong' dsee' fí' quinir', dsuco' lajii' dsea' i jmóo' núu' laco' fé' e júu' jo, jii' í'bing' i ni'fing' Fidiée' e lfiin' dsea' i ja' røong' dsee' fí' quinir'. ¹⁴ Jo jaléng' dsea' i ja' líng' dsea' Israel ja' sea' quiá'r̄ e júu' quiu' tā do; dsu' mi' jmóor' laco' fé' e júu' quiu' tā do, jmóor' jii' laco' í' dsíir' yaam̄bre, joba' lafa' yaam̄bre sea' júu' quiu' tā quiá'r̄ jóng. ¹⁵ Dsuco' cóo' lajalé' e jmóor' do cuø' lí' quiá'r̄ e dseáng' fí' dsíir' sea' jalé' e júu' quiu' tā do. Co' cóo' jii' e í' dsíir' yaain̄ do nija' júu' quiá'r̄ jalé' e jo, jogui cajo cóo' jalé' e í' dsíir' do ni'níng' ír' osi nijmi'øng' ír' é. ¹⁶ Jo nidsijéé' lajalé' e jo lí' laco' cafá' a na mi' niguiéé' jmi' e Fidiée' ni'fiī í' lí' jialco' ca'f' dsíir' dsea' jogui jialco' cajméer' lí' ja' ní' dsea' jiéng'. Jo nijmér' lajo la'eáng' cóo' Fí'naa' Dsea' Jmáang' lí' laco' jii' lí' e júu' e guia' jnea'.

Jial seeng' dsea' Israel cóo' e júu' quiu' tā quiá'r̄ e cajme' Moi

¹⁷ Jo fiī guí' jaléng' 'nú', dsea' fól'na' e líng'na' dsea' Israel jogui e teá' teáng'na' cóo' júu' quiu' tā quiá'r̄ Moi jogui e jmiyløng' yaang'na' dsu' uí' e líng'na' dsea' siguáng' quiá'r̄ Fidiée'; ¹⁸ jogui fól'na' cajo e niñ'bi' lajii' e iing' Fidiée' e nijmée'na', jogui e júu' quiu' tā do jmicóo' 'nú' e nigui'na' jnang' e guiá' e nijmée'na', ¹⁹ jogui e dseáng' nitab' óo'na' e nil'ba' nijmicóo'na' jaléng' dsea' i lafa' tiuung' uí' e ja' já' lfiin' e seeng' jaang' Fidiée', jogui fól'bi' cajo e lí'bi' nijmicóo'na' jaléng' dsea' i seeng' fí' lí' nuu' s'ó' uí' e eáng' beáng' dsee' yaain̄; ²⁰ jogui fól'na' cajo e nitab' óo'na' e lí'ba' é'na' jaléng' dsea' i ja' lí' gui' jnang' jalé' e guiá' e nijmér', jogui e tiim'ba' jmée'na' lajo cajo cóo' i dsea'

i tá caliñí e júu[^] quiu' ta[~] quíi⁻na' do, dsuco' e fí ní júu[^] quiu' ta[~] do í' óo'na' e fí' job lí[~] sea[~] uing[~] e laco' tíing[~]na' ngáng[~]na' jogui e laco' líñí[^]na' jalé' júu[^] já⁻.
 21 Joba' fíi⁻ i jaléng[~] 'nú' e 'núb[~] e'na' jaléng[~] dsea[~] jiéng[~], jo dsu' eáang[~]gui 'né⁻ e nijmitíng[~]na' yaang[~]na'; jogui 'nú' guia[~]na' júu[^] jee[~] jaléng[~] dsea[~] e ja[~] dseeng[~] e jmoo[~] dsea[~] ìì, jo dsu' cuóøng[~] 'nú'bi[~] jmoo[~]na' ìì quiá⁻ dsea[~] rúng[~]na'; 22 jogui fí'na' dsea[~] e ja[~] dseeng[~] e 'léé' dsea[~] e güíiñ[~] cóo[~] i o' quiá⁻r⁻, jo dsu' cuóøng[~] 'nú'bi[~] jmoo[~]na' jalé' e ja[~] dseeng[~] lajo; jogui 'ní' máang[~]na' jaléng[~] diéé[~] i jmáang[~] dsea[~] cóo[~] guóor[~], dsu' cuóøng[~] 'nú'bi[~] jmoo[~]na' ìì jalé' e sea[~] fí sinúu[^] guá⁻ quiá⁻ jaléng[~] i diéé[~] do; 23 jogui eáang[~] jmiñlóng[~] yaang[~]na' quiá⁻ e júu[^] quiu' ta[~] quiá⁻ Moí[~] do, jo dsu' ja[~] jmi'goo[~]na' ñia' Fidiéé[~], co' ja[~] jmoo[~]na' núu[~]na' jalé' e júu[^] quiu' ta[~] do. 24 Co' e jáb⁻ e líing[~] uiim[~]ba' e fé' fí ní[~] jì quiá⁻ Fidiéé[~] lala: "Jaléng[~] dsea[~] i ja[~] líng[~] dsea[~] Israel gab[~] fé'r[~] uii[~] quiá⁻ Fidiéé[~] uii[~] cóo[~] jalé' e ga[~] e jmoo[~] 'nú', dsea[~] líng[~]na' dsea[~] Israel."

25 Dsuco' e jáb⁻, doñí ìì 'nú' i núu[~] e júu[^] quiu' ta[~] quiá⁻ Moí[~] do, seab[~] lí[~] íing[^] ta[~] quíi⁻na' e tóo' lí[~] fí' ngúu' táang[~]na' lí[^] laco' la litíng[~]naa', dsea[~] líí[~]naa' dsea[~] Israel. Jo dsu' song ja[~] núu[~]na' e júu[^] quiu' ta[~] do, joba' ja[~] e ta[~] íing[^] quíi⁻na' jóng e tóo' lí[~] fí' ngúu' táang[~]na' do. 26 Jo song ìì 'nú' ja[~] mí cató⁻ lí[~] fí' ngúu' táang[~] jo dsu' jmití[~]ba' lajii[~] e júu[^] quiu' ta[~] do, joba' Fidiéé[~] ím[~]bre 'nú' jóng lafa' jaang[~] dsea[~] i nicató⁻ lí[~] fí' ngúu' táang[~], nañí fa' ja[~] mí calí[~]re lajo. 27 Jo i dsea[~] i ja[~] tóo' lí[~] fí' ngúu' táang[~] dsu' jmití[~]bre e júu[^] quiu' ta[~] do, joba' cóo[~] i dsea[~] í cuó[~] lí[~] e jaléng[~] 'nú', dsea[~] líng[~]na' dsea[~] Israel, oo[~]ba' dsee[~] fí quini[~] Fidiéé[~]. Co' nañí fa' nicató⁻ e lí[~] do fí' ngúu' táang[~]na' jogui e seab[~] quíi⁻na' e júu[^] quiu' ta[~] do, dsu' ja[~] jmití[~]na' laco' fé' e júu[^] jo.

28 Dsuco' e jáb⁻, lajob líí, jíi[~] jaang[~] dsea[~] líiñ[~] dseáng[~]

dsea` Israel dsu' uíi~ e jmóor` jíi~ e quíi~ t́ing` dsea` áang` quiá'r~ fa' e tóor` lí~ fí' ngúú' táaiñ. ²⁹ Dsuo' i dsea` i dseáng`- jái~ líing` dsea` Israel, fí' dsíi'bre lí~ líiñ` lajo, jogui e quíi~ t́iñ` e jmóor` lí~ fí' ngúú' táaiñ` do, o' fí' jo lí~ 'né~ jmér~ lajo, co' lafa' fí' dsíi'bre lí~ nitóo` e lí~ do lana, co' dsea` quiá'~ Dsea` Jmaang~ nilíiñ', jo Jmiguí' quiá'~ Fidiéeb` dsea` jmóo` lajo, jo o' júu` quiá' ta~ quiá'~ Moí~ e jmóo` lajo. Jo i dsea` i líing` lajo, Fidiéé`bing' i fé'` guiá~ uii~ quiá'r~ jo o' dsea` jmigüf i fé'` lajo.

3

¹ Joba' ¿su guiá~gui e líi'naa' dsea` Israel, jogui su e quíing`gui quíi' ii' e tóor` lí~ fí' ngúú' táang`naa' lí' laco' quiá'~ t́i'naa'? ² E jáb'~, lajob líi', co' jmiguiab' uing~ sea` e guiá~ e líi'naa' dsea` Israel, jo e laba' e niing~gui e jneaa`bing' i nicangíing` júu` quiá'~ Fidiéé'. ³ Jo dsu' e jáb'~, i líing~ la'ó' dsea` góo`naa' dsea` Israel nicatú`bre e jái~ líiñ` júu` quiá'~ Fidiéé'. Dsu' Fidiéé` contøom~ jmitir~ júu` quiá'r~ nañi' fa' i líing~ dsea` góo`naa' ja cajméer` jái~ líiñ` e júu` jo. ⁴ Co' e jáb'~, contøom~ fé'` Fidiéé` júu` jái~, nañi' fa' dsea` jmigüf contøom~ quier` júu` ta~ júu`. Co' lalab fé'` fí' ni~ jì' quiá'~ Fidiéé` lí~ fé'` cuaiñ~ quiá'r~:

Jo mi~ núu` dsea` júu` quiá'~

conguiab' líiñir` e jmang'~ júu` jái~ba' fó'` 'nu',

jo contøom~ lí' mi~ cuø' dsea` 'nu` dsee~.

Jo lanab fé'` fí' ni~ jì' quiá'~ Fidiéé'.

⁵ Jo dsu' song jalé' e ga` e jmoo`naa' íng` ta~ e laco' eáang`gui nililí' dsea` jialco' jmóo` Fidiéé` jmang'~ jalé' e guiá~, joba' ¿e~ nife`ee' jóng? ¿Su e gab` jmóo` Fidiéé` mi~ cuør' iihuí' uíi~ jalé' e ga` e jmoo`naa' do? (Dsu' fá' a e júu` la lí' laco' la fé'` doñi' i' dsea` jmigüf.) ⁶ Dsu' Fidiéé` jíi~ coo` e ga` jmóor`. Co' faco' ja` cuør' iihuí' mi~ jmóo`

dsea` e ga, joba' ʒjial lí'r` e ni'ír` í` røø` quiá`- lajaléng` dsea` jmiǵúí? ⁷ Jo seem` dsea` i fé` e cóo`~ jalé` júu` e o' já`- e fé'r`, eáang`gui nililí`^ dsea` jial fé` Fidiée` jmang`- júu` já`-, jo lajoba' nijmi'gó` dsea` ír`. Jo song lajob líí', joba' ʒjiali'` ngíing` i dsea` í` dsee` e líííñ` jaang` dsea` dsee` dsea` qui'? ⁸ Jo song lajob líí' cajo, joba' cuøøng` fe` ee' jóng, ʒjiali'` ja` jmó`oo' e ga` e laco` ni'uíing`- jmang`- e guíú`-? Jo lanab fé` i líing`~ dsea` e cuø'r` jnea`~ dsee`, co' fé'r` e e júu` lanaba' ée`- jnea`~ dsea` rún`n, jo dsu' dseáng`- o' lajo. Jo jaléng` i dsea` i fé` ga` lajo lí`^ catííñ`- e ni'ín` lajíl`~ ihuúí` quiá`- jalé` e ga` e jmóor` do.

Jalém` dsea` røøíñ` dsee`

⁹ Joba' ʒsu jneaa`aa', dsea` lí`naa' dsea` Israel, guiúng`-guíí' fí` quini` Fidiée` laco`gui i dsea` i ja` líing` lajo? ¡U`~, dseáng`- o' lajo! Dsüco` nicafíí`-baa 'nú` e lajalém` dsea` i líing` dsea` Israel jogui lajalém` dsea` i ja` líing` lajo dseáng`- røøb` líííñ`, co' jalé` dsee`- quiá`- bre silíí` ír`. ¹⁰ Co' lalab fé` fí` ni` jì` quiá`- Fidiée`:

¡Ja` seeng` jíí`~ jaang` dsea` fa' e éer` røø` contøøng`!

¡Co' dseáng`- jíí`~ jaang` dseáng`- ja` ii` seeng` i jmóo` lajo!

¹¹ Jogui ja` seeng` dsea` i quíí`~ jmií` ningáng`,

o'gui i iing`~ ni'náng` Fidiée` cajo.

¹² Co' lajii`m` dsea` nicacár`- fí` ga`,

jogui lajii`m` cajo ja` ee` uíing`~ sea` quiá`r`- jíí`~ coo`.

¡Co' ja` seeng` jaang` dsea` fa' i ée` røø`!

¡Co' dseáng`- jíí`~ jaang` dseáng`- ja` ii` seeng` i jmóo` lajo!

¹³ Jo jalé` júu` e fé'r`, jmang`- júu` líb`^ líí'.

Jo eáam` jmiǵøøíñ` dsea` rúíñ` cóo`~ jalé` e fé'r`.

Jo jalé` e júu` jo eáam` 'lée',

lí`^ laco` líí' e nó` quiá`- jaang` mi' i guíing`-.

¹⁴ Jo lajalé` e fé'r` do jmang`- júu` guíib`-,

jo cóo`~ jalé` e jo eáam` bííñ`- jaléng` dsea` rúíñ`.

¹⁵ Jo contøøng⁻ guing[~] dsíir' e nijngáin⁻ dsea` rúin[^]'.

¹⁶ Jo lajii[~] fí teáaiñ[~] dseáng⁻ jmang⁻ lajii[~] e 'lé⁻bre dseáng⁻'.

Jo cuør' iihuí[^] jaléng[^] dsea` rúin[^]'.

¹⁷ Jo dseáng⁻ jii[~] capí[^] ja` ñir' jial dseáng⁻ e seein[^] juguiú⁻ cóo[^]' Fidié[^].

¹⁸ Jogui dseáng⁻ jii[~] capí[^] ja` ñir' e 'né⁻ e nijmi'gór[^] Fidié[^].

Jo lanab líí[^] júu[^] quiá⁻ Fidié[^].

¹⁹ Jo nine[~]baa' røø[^] e lajalé[^] e júu[^] quiú[^] ta[~] e cajme[^] Moi[~] jaléng[^] dsea` Israelbing[^] catíng⁻ nijmiti[~], jo lajoba[^] jii[~] jaang[^] dsea` jmigüi[^] cuøøng[^] fa' nijíñ⁻ e ja` røøin[^] dsee⁻ fí quini[^] Fidié[^], có[^] dsea` í'bing[^] i'í[^] laco[^] catíng⁻ quiá⁻ lajaléng[^] dsea` jmigüi[^]. ²⁰ Có[^] Fidié[^] ja` ni'íñ[^] jii[~] jaang[^] dsea` e líin[^] jaang[^] dsea` i ja` røøng[^] dsee⁻ fí quini[^] dsu[^] uí[^] e jmitir[~] e júu[^] quiú[^] ta[~] do. Dsaco[^] jii[~] lí[~] íng[^] ta[~] e júu[^] quiú[^] ta[~] do e lico[^] line[~]naa' e líí[^]naa' dsea` røøng[^] dseeb⁻.

Jial íng[^] Fidié[^] jneaa[~]aa' la'eáang[^] e já⁻ líí[^]naa' júu[^] quiá⁻r⁻

²¹ Jo dsu[^] lana Fidié[^] nicacuør[^] jneaa[~]aa' e nine[~]naa' jial e íñ[^] jneaa[~]aa' e líí[^]naa' dsea` i ja` røøng[^] dsee⁻ fí quini[^]. Jo jmóor[^] lajo dsu[^] o' uí[^] e jmití[^]naa' júu[^] quiú[^] ta[~] e cajme[^] Moi[~]. Jo røøb[^] cóøng[^] e júu[^] na laco[^]gui e fé[^] e fí ní[~] e júu[^] quiú[^] ta[~] do jogui laco[^] e café[^] jaléng[^] dsea` i café[^] cuaiñ[~] quiá⁻ Fidié[^] malí[~]gui eáang[^]. ²² Jo røøb[^] íng[^] Fidié[^] lajaléng[^] dsea` jmigüi[^] e líin[^] dsea` i ja` røøng[^] dsee⁻ fí quini[^] la'eáang[^] e já⁻ líin[^] júu[^] quiá⁻ Dsea` Jmáang⁻. ²³ Có[^] lajii[~] dsea` jmigüi[^] nica'éer[^] dsee⁻, jo uí[^] e joba[^] ja` catííñ⁻ e nitííñ[~] e niliseeiñ[^] cóo[^] Fidié[^] fí lí[~] niing⁻ 'gøng[^] dsea` do. ²⁴ Dsu[^] uí[^] e Fidié[^] eáam[^] 'neáaiñ[^] jneaa[~]aa' e jii[~] ja` catíí⁻naa' lajo, joba[^] ca'íñ[^] jneaa[~]aa' e líí[^]naa' dsea` i ja` røøng[^] dsee⁻ fí quini[^]. Jo cajméer[^]

lajo la'eáang' e nicaléaang` Dsea` Jmáang- jneaa~aa' jee` jalé' dsee- qui' ii' ie~ lami~ cajúin- fí' dse' crúu^. 25 Jo Fidiée` cacuóøiñ` Dsea` Jmáang- e laco' cajúng- dsea` do fí' dse' crúu^. Jo la'eáang' cóo'~ e jmi'øøng- Dsea` Jmáang- e catuu' fí' jo, ca'íiñ- dsee- quiá'- dsea`. Jo Fidiée` cacuóøiñ` dsea` do e laco' cuø' li~ e contøøm- jmóor` jmang'- e guiú- jogui e eáam' féng' dsíir' cajo, dsuco' ja' iu~ dsíir' jalé' dsee- e ca'éé` dsea` lami~ jéeng' gui. 26 Jo cajméer` lajo e laco' niliñ' dsea` jmiñ- na e ím'bre dsea` e líiñ' dsea` i ja` røøng` dsee- fí' quiniñ'. Jo e na cuø' li~ e jíi'~ íb` dsea` i jmóo' jmang'- jalé' e guiú-, jogui jíi'~ íb` cajo i íng' doñí' i` dsea` i ja'~ líng' júu^ quiá'- Dsea` Jmáang- e líiñ' dsea` i ja` røøng` dsee- fí' quiniñ'.

27 Jo lana jíi'~ cóo' fa' e nijmijløng'^ yee~naa' fí' quiniñ' Fidiée` e í' dsí'naa' e ni'íñ' jneaa~aa' dsu' uíi'~ e jmití'naa' e júu^ quiu' ta~ do, có' ni'ím'bre jneaa~aa' dsu' uíi'~ e ja'~ líi'naa' júu^ quiá'- Dsea` Jmáang-. 28 Jo lanaba' nicaline~naa' røø' e Fidiée` ni'ím'bre dsea` e líiñ' dsea` i ja` røøng` dsee- fí' quiniñ' dsu' uíi'~ e ja'~ líiñ' júu^ quiá'- Dsea` Jmáang-, dsu' o' uíi'~ e jmitir~ e júu^ quiu' ta~ do. 29 Dsu' Fidiée` ja' líiñ' jíi'~ Fidiée` quiá'- dsea` Israel, có' líim'bre cajo Fidiée` quiá'- lajaléng' dsea` jmigüi'. 30 Có' dseáng'- jaam` Fidiée` dseáng'- i seeng', jo jíi'~ í'bing' i íng' dsea` i ja'~ líng' júu^ quiá'- Dsea` Jmáang- e líiñ' dsea` ja` røøng` dsee- fí' quiniñ', nañí' su líiñ' do dsea` Israel osi ja' líiñ' lajo é. 31 Jo dsu' uíi'~ e ja'~ líi'naa' júu^ quiá'- Dsea` Jmáang-, joba' dseáng'- ja' cuóøng` fa' e ni'náng` ca' lajíi'~ e fé' e fí' ni~ júu^ quiu' ta~ do. Có' lí' lí' jmi'goo- bñi' jial tí' niing- e fé' e júu^ jo.

4

Jo lí'^ laco' cajmée` 'líi~ yúu'~ Abraham, lajob 'né- jmó'o'

¹Jo lana, dsea` rú`naa', nisiĩ~ naa' capí`^ cuiĩ~ quiá`- e` calí`- cóo`- 'liĩ~ yúu`~ qui`-ii' Abraham. ²Cofa' mi` ca'íng` Fidiée` 'liĩ~ yúu`~ Abraham e liĩn' do jaang` dsea` i ja` røong` dsee`- fí` quinir` dsu' uí`~ jalé`^ e guiú`- e ca'éeiñ, joba' seab` cuóøng` lí` jmijløng`^ 'ñia`r` jóng, dsu' o' fí` quini` Fidiée`- faco' lajo. ³Dsucó' lalab fé`^ fí` ni` jì` quiá`- Fidiée` : "Jo 'liĩ~ yúu`~ Abraham jáb`- calíñ`- júu` quiá`- Fidiée` , joba' Fidiée` ca'íñ` dsea` do e liĩn' do jaang` dsea` i ja` røong` dsee`- fí` quinir`."

⁴Jo lajòb líí, fa' jaang` dsea` jmóor` ta~, joba' e 'léeiñ`- do ja` ngíiñ` lí`^ ta` ngíiñ, co' quiá`- lajii`- ta` e jmóo`bre quiá`- e joba' ngíiñ. ⁵Jo dsu' fa' jaang` dsea` já`- líiñ` júu` quiá`- Fidiée`, joba' Fidiée` ím`bre dsea` do e liĩn' do jaang` dsea` i ja` røong` dsee`- fí` quinir` nañi` fa' ja` mí` cajméeiñ` do jíi`- cóo` e guiú`-. ⁶Co' caféb` dseata` dsea` féng` Davi`^ ie` malii` gui do quiá`- jial tíi` juguiú`- quiá`- lí`^ doñi` iĩ` dsea` mi` jo` iu` dsii` Fidiée` cóo`~ lajalé` e nicajméer` lamí` jééng` gui, jogui e nica'íng` neiñ` e liĩn' do jaang` dsea` i ja` røong` dsee`- fí` quinir`. ⁷Jo lalab cajíng`- i dseata` do ie` malii` gui do:

jjo eáam` juguiú`- quiá`- jaléng` dsea`

mi` Fidiée` nica'íiñ`- dsee`- quiá`- lajalé` e ga` e nicajméeiñ,

jogui e nica'léang` neiñ` jee` jalé` dsee`- quiáiñ`!

⁸Jo eáam` juguiú`- quiá`- jaléng` dsea`

i jo` iu` dsii` Fiĩ`naa' Fidiée` jalé` dsee`- e nica'éeiñ.

Jo lanab jíi`- líi` júu` quiá`- dseata` dsea` féng` Davi`^.

⁹Jo e juguiú`- na ja` catíng`- jíi`~ dsea` Israel i qui`- tíng` tóo` lí` fí` ngúu` táang`, co' catíim`- cajo jaléng` dsea` i ja` lííng` dsea` Israel dsea` i ja` qui`- tíng` lajo. Co' lí`^ laco' la nicasii`~ naa' 'nú` e Fidiée` ca'ím`bre 'liĩ~ yúu`~ Abraham e liĩn' do jaang` dsea` i ja` røong` dsee`- fí` quinir` dsu' uí`~ e já`- calíng`- dsea` do júu` quiá`- Fidiée`, ¹⁰jo` çlí` ca'íng`

Fidiéé̃ i 'liĩ̃ yúu'~ Abraham do e liĩñ' do lajo? ¿Su nú'~ gui e cató~ li' fí' ngúú' táaiñ̃ ̄osi mi' cangf̃ jo é? Mó'~ nú'~ gui e cató~ li' fí' ngúú' táam̃ bre ca'íng' Fidiéé̃ ír' e liĩñ' do jaang̃ dseá̃ i ja' røong̃ dsee~ fí' quinir̃. ¹¹ Jo mi' cangf̃ e ca'íng' Fidiéé̃ i 'liĩ̃ yúu'~ do, joguiba' cató~ li' fí' ngúú' táaiñ̃ do e laco' cuø' li' e nica'ím' Fidiéé̃ ír' e líiĩñ' jaang̃ dseá̃ i ja' røong̃ dsee~ fí' quinir̃ dsu' uí'~ e já'~ calíĩñ'~ do júu^ quiá'~ Fidiéé̃. Jo uí'~ e joba' i 'liĩ̃ yúu'~ Abraham do ca'uíĩñ̃ lafa' tiquiá'~ jaléng' dseá̃ i já'~ líng' júu^ quiá'~ Fidiéé̃. Co' Fidiéé̃ bing' i íng' dseá̃ i já'~ líng' júu^ quiá'r~ e laco' niliĩñ'~ do dseá̃ i ja' røong̃ dsee~ fí' quinir̃, jo ja' ee' lí' fa' ja' mi' cató~ li' fí' ngúú' táaiñ̃ do. ¹² Jogui i 'liĩ̃ yúu'~ Abraham do líim̃ bre cajo lafa' tiquiá'~ jaléng' dseá̃ Israel i nicató~ li' fí' ngúú' táang̃. Jo i 'liĩ̃ yúu'~ do líiĩñ' lafa' tiquiá'~ jaléng' i dsu' o' uí'~ e nicató~ li' fí' ngúú' táaiñ̃ do; co' 'né~ e nijmíti~ biñ' do cajo lí' laco' cajméẽ i 'liĩ̃ yúu'~ Abraham do ie' lamí~ já'~ calíĩñ̃ júu^ quiá'~ Fidiéé̃ lajeẽ e nú'~ gui e cató~ li' fí' ngúú' táaiñ̃.

Mi' cacuø' Fidiéé̃ júu^ quiá'r~ 'liĩ̃ yúu'~ Abraham

¹³ Jo ie' malĩ̃ gui do Fidiéé̃ cacuø'r' júu^ 'liĩ̃ yúu'~ Abraham cóo'~ gui jaléng' dseá̃ sijur̃ e niñiĩm̃ biñ' do lajalé' e sea' fí' jmigüf̃. Jo e júu^ la caliti~ dsu' o' uí'~ e 'liĩ̃ yúu'~ Abraham cajmээр̃ núu'r~ e júu^ quiu' ta' e cajme' Moi'. Co' calí~ lajo la'eáang̃ e jáb'~ calíng̃ i 'liĩ̃ yúu'~ do júu^ quiá'~ Fidiéé̃, jo uí'~ e joba' e ca'íng' dseá̃ do ír' e líiĩñ' jaang̃ dseá̃ i ja' dsee~ røong̃ fí' quinir̃. ¹⁴ Jo song̃ lajii' dseá̃ i jmiti' e júu^ quiu' ta' do ni'liñ' lajalé' e sea' fí' jmigüf̃, joba' cuøong̃ fe'ee' jóng̃ e ja' ee' ta' íng̃ e já'~ líng̃ dseá̃ júu^ quiá'~ Fidiéé̃, jogui e júu^ e cacuø' Fidiéé̃ lamí~ jéeng̃ gui do ja' ee' quíing̃ cajo. ¹⁵ Co' song̃ ja' jmiti' dseá̃ dseáng'~ røø' e júu^ quiu' ta' do, joba' iihu'íb' iñ'

quíá' Fidiée' jóng. Jo dsu' lí' ja' sea' e júu' quiá' ta' do, joba' ja' ee' cuòøng' lí' 'lé' dsea' cóo' e jo.

¹⁶ Jo Fidiée' cacuø'r' 'lí' yúu' Abraham júu' quiá'r' uí' e já' calíng' i 'lí' yúu' do júu' quiá' dsea' do. Jo cajmée' Fidiée' lajo e laco' jaléng' dsea' i líng' siju' 'lí' yúu' Abraham nita' dsír' e dseáng' nijmitib' Fidiée' e júu' jo la'eáang' e eáang' 'neáaiñ' jaléng' i dsea' í' e jíi' ja' catíiñ' do lajo. Jo lí' laco' cuòøng' fe'ee' e júu' na, e jalé' e jíng' Fidiée' e nicuø'r' jaléng' dsea', dsu' o' jíi' dsea' i catíng' e júu' quiá' ta' do i nicuø'r' jalé' e jo, co' nicuø'r' bre cajo jaléng' i dsea' i já' líng' júu' quiá'r' lí' laco' cajmée' i 'lí' yúu' Abraham do. Jo lajoba' i 'lí' yúu' do ca'uíiñ' lafa' tiquiá' jaléng' jneaa'aa', dsea' i já' lí' naa' júu' quiá' Fidiée'. ¹⁷ Jo lí' laco' la fé' Fidiée' fí' ní' jí' quiá'r' lí' fé'r' lala cuaiñ' quiá' 'lí' yúu' Abraham: "Nícajmé' e nilín' lafa' tiquiá' i fíng' 'lé' dsea' jmiçü'." Jo lanab fé' Fidiée' fí' ní' jí' quiá'r'. Jo e júu' la calitib', co' 'ñiab' Fidiée' dsea' cacuø'r'. Jogui jáb' calíng' Abraham e júu' e cangíiñ' quiá' dsea' do. Jo jíi' Fidiée' bing' i quií' jmiñ' e nijmijí'r' jaléng' 'lí' jogui e nijmér' e nilisea' doñí' ee' e ja' mí' sea' fí' jmiçü'.

¹⁸ Jo lajee' e nidseáam' eáang' i 'lí' yúu' Abraham do, jogui jo' quií'r' jmiñ' fa' e niliseeng' jóor' co' eáam' niyúu'r', jo dsu' jáb' calíiñ' do júu' quiá' Fidiée' e quiá' niliseem' jóor' nañí' fa' ja' quií'r' jmiñ' lajo. Jo dsu' lajob calí', jo "ca'uíiñ' lafa' tiquiá' i fíng' 'lé' dsea' jmiçü'" lí' laco' gui la nicasí' Fidiée' ír' lamí' jéeng' gui ie' lamí' cajíng' dsea' do lala: "Lanab niliseeng' fíng' dsea' síjú'." ¹⁹ Jo dseáng' ja' calitúm' dsíi' 'lí' yúu' Abraham e já' líiñ' júu' quiá' Fidiée', nañí' fa' ie' jo níngoor' jie' ja' cien jíi', jogui nilí' bre cóo' dseamí' quiá'r' i síi' Sara do e tí' lí' nijúum' bre. Jo laj' gám' bre ie' jo eáam' nidseáaiñ', joba' jo' quií' guir jmiñ' fa' e

niliseeng` jóor'. ²⁰ Jo ì 'lii` yúu` Abraham do dseáng`- jáb`- calíin` jogui dseáng`- calitab` dsír` e dseáng`- nijmitib` Fidiée` lajii`- júu` e cacuø`r` dseá do, jo eáang`gui já`- calíin` jogui cajmíta`gui dsír` e dseáng`- nijmitib` Fidiée` lajii`- e nicajíin`- lamí` jéeng`gui do. Jo uíi` joba` eáam` cajmiféiin` Fidiée`, ²¹ co` dseáng`- nitab` dsír` e dseáng`- quíib`- dseá do jmíi` e nijmitir` lajii`- júu` e nicacuø`r` lamí` jéeng`gui. ²² Jo uíi` e já`- calíin`- do e júu` jo, joba` ca'ng` Fidiée` ír` e liiin` do jaang` dseá ì ja` røong` dsee`- fí` quinir`. ²³ Jo e ca'ng` Fidiée` ì 'lii` yúu` Abraham do e liiin` do jaang` dseá ì ja` røong` dsee`- fí` quinir` o' jii`- quiá`- 'lii` yúu`- í` dseáng`- fé` e júu` na, ²⁴ dsuco` catíim`- jneaa`aa' e júu` na cajo. Co` ím` Fidiée` jneaa`aa' e lí`naa' dseá ì ja` røong` dsee`- fí` quinir` dsu' uíi` e já`- lí`naa' júu` quiá`r`. Jo jáb`- lí`naa' cajo e Fidiée`bing` ì cajmijí`tu Fíi`naa' Dseá` Jmáang`- ²⁵ mí`- cangf` e cacuøøiin` dseá do e cajúin`- fí` dse`- crúu` uíi`- jalé` dsee`- quí`-ii`. Jo mí`- cangf` jo, cajmijí`tur Dseá` Jmáang`- e laco` la'eáang` í` cajméer` còo`- jneaa`aa' e nilíi`naa' dseá ì ja` røong` dsee`- fí` quinir`.

5

Jial íng` Fidiée` dseá` e liiin` dseá` ì ja` røong` dsee`- fí` quinir`

¹ Jo lana Fidiée` nica'íin` jneaa`aa' e lí`naa' dseá` ì ja` røong` dsee`- fí` quinir` dsu' uíi` e nijá`- lí`naa' júu` quiá`r`. Jo co` lajob nilíi`naa', joba` juguiá`- júu` rø` nisee`-naa' lana còo`- Fidiée` la'eáang` còo`- jalé` e nica- jmée` Fíi`naa' Dseá` Jmáang`- còo`- jneaa`aa'. ² Jo la'eáang` còo`- Dseá` Jmáam`-ba' e nisee`-naa' lajo còo`- Fidiée`. Jo nicangíng`naa' e jo uíi` e já`- lí`naa' júu` quiá`r`. Jo lajob nisee`-naa' lana, jogui eáam` íáang` dsi`naa', co` nitab` dsi`naa' e dseáng`- niliseem`-baa' cøong` còo`- Fidiée` fí`

li~ niing~ 'gõĩñ' mi~ nití~ e í' jò. ³ Jògui ò' quiá'~ jíi'~ e na e jmi'iaang` dsì'naa', cò' lajòb cajo jmi'iaam` dsì'naa' cò'~ jalé' e huíng' e dsijéé' quí'~ii'. Cò' nine~baa' guiú~ e mi~ ningí' e dsingíng~naa' jalé' e jò, joba' eáang'gui b niliféng' dsì'naa' cò'~ doñí' ee` e nidsijéé' quí'~ii' jóng. ⁴ Jò mi~ jmoo~naa' e féng' dsì'naa' cò'~ jalé' e dsingíng~naa' do, joba' guiáb~ fé' Fidiéé' uii~ quí'~ii' jóng. Jò mi~ jmoo` Fidiéé' lajò cò'~ jneaa~aa', joba' eáang'gui lita~ dsì'naa' e niliseem~baa' cøong` cò'~ Fidiéé' fí' lí~ niing~ 'gõĩñ'. ⁵ Jò e nita~ dsì'naa' na dseáng'~ nilitib~, cò' la'eáang' cò'~ Jmiguí' quiá'r~ e nicacuø'r' jneaa~aa' e nicalíne~naa' jial tíí' e ja` cøong` cò'~ e 'neáaiñ` jneaa~aa' do.

⁶ Jò dsu' lajee~ e ja` quí'~guí' jmi~ fa' e nilaang~ yee~naa' jee~ jalé' dsee~ quí'~ii', jò dsu' lajee~ job mi~ catí' í' e cagüéng~ Dsea` Jmáang~ fí' jmigüí' la e lacò' cajáng' 'ñia'r' e cajúin~ cuaiñ~ quí'~ii', dsea` líí'naa' dsea` dsee~ dsea` quí'. ⁷ Dsu' huím' eáang' nicuóng~ 'ñia' jaang` dsea` e nijúuiñ~ uii~ quiá'~ jaang` dsea` ì ee` røø, jò dsu' cò'` jangám~ seeng` jaang` dsea` ì nicuóng~ 'ñia' e nijúuiñ~ cuaiñ~ quiá'~ jaang`gui dsea` ì dseáng'~ lajang'~ guiúng~. ⁸ Jò dsu' lajee~ e líí'naa' dsea` dsee~ dsea` quí', Fidiéé' ca'e'r' jneaa~aa' jial tíí' ja` cøong` cò'~ e 'neáaiñ` jneaa~aa', cò' casíñ` Dsea` Jmáang~ e lacò' dsea` do cajúin~ uii'~ dsee~ quí'~ii'. ⁹ Jò lana nica'ím' Fidiéé' jneaa~aa' e nilí'naa' dsea` ì ja` røong` dsee~ fí' quinir~ la'eáang' cò'~ e jmi'øong~ Fíi'naa' Dsea` Jmáang~. Jò cò' lajòb cajméer` cò'~ jneaa~aa', joba' lana eáang'gui b nita~ dsì'naa' e Dsea` Jmáam~bing' ì nileáng~ jneaa~aa' jee~ jalé' iihuí' e nilisea` mi~ tí' lí' ní' Fidiéé' í' quiá'~ lajaléng' dsea` jmigüí'. ¹⁰ Jò lajee~ e ja` see~naa' røø` cò'~ Fidiéé' jogui e 'ní' máang'naa're, jò lajee~ job cajméer` e caliséng~naa' juguiú~ júu` røø` cò'r~ la'eáang' e cajúng~ Jóor` Dsea` Jmáang~ fí' dse' crúu`. Jò cò' lajòb cajméer` cò'~

jneaãaa', joba' lana eáang' guib nita~ dsi'naa' e dseáng' nileám'baa' jee~ jalé' dsee~ quí'ii' la'eáang' e cají'tu Dsea' Jmáang~ mi~ cangf e cajúin~. ¹¹ Jo o' jíí'~ quía'~ e na e jmi'iaang' dsi'naa', co' lajob jmi'iaang' dsi'naa' cajo cóo'~ lajalé' e nicajmée' Fidiée' cóo'~ jneaãaa' la'eáang' cóo'~ Fíi'naa' Dsea' Jmáang~; dsuco' la'eáang' dsea' dob e nisee~naa' lana juguiú~ júu^ røø` cøøng' cóo'~ Fidiée'.

Mi~ canaang' e sea' dsee~ fí' jmi'igüi'

¹² Jo lajob líí', dsea' rú'naa'; jo la'uii~, mi~ canaang' e caliseá' dsee~ fí' jmi'igüi' la, calí' lajo uíí'~ jaang' dseañu' i calisí' Adán. Jo dsifí' mi~ cangf e ca'éer' dsee~, job mi~ canaang' e caliseá' 'mó'; jo co' lajob cajméeiñ' do lami~ uii~, joba' lajiiim' dsea' latí' lana sea' 'mó~ quía'r~ uíí'~ jalé' e dsee~ e éer'. ¹³ Jo dsea' dsee~ dsea' quib' niíing' dsea' lajíí'~ ie~ nú' gui e niíing' Moi~ e júu^ quiu' ta~ quía'~ Fidiée'. Jo dsu' mi~ ja' sea' júu^ quiu' ta~, joba' ja' cuøøng' lí' níing' dsea' dsee~ e ja' mí' cajmitir~ e júu^ jo. ¹⁴ Jo lajob líí', lajaléng' dsea' i caliséng' jíí'~ ie~ lami~ cajá' Adán jo ie~ cartí' cajá' Moi~ caliseáb' 'mó^ quía'r~, joba' cajúm~bre. Jo calíin'~ lajo uíí'~ jalé' dsee~ e ca'éer', lifa' ja' ca'éer' dsee~ e laco' dsee~ e ca'éé' Adán, co' i dsea' do ja' cajméer' núu'r~ coo' ta~ caquiú' Fidiée'. Jo i Adán labing' i líing' coo' e lí' quía'~ jaang' i niing~ i nijáa' cøøng' gui. ¹⁵ Jo ja' cuøøng' cøøng~naa' røø' e dsee~ e ca'éé' Adán jogui e cacuo' Fidiée' jneaãaa' e iaang' dsíir'. Dsuco' uíí'~ e dsee~ e ca'éé' i Adán do ie~ jo, joba' caliseá' 'mó~ fí' jmi'igüi' la, jo mi~ calí' lajo, joba' lajiiim' dsea' júuiñ~ jóng. Jogui e cangíing'naa' quía'~ Fidiée' uíí'~ e 'neáaiñ' jneaãaa' do cajmilir~ lajo cóo'~ jíí'~ 'ñia' Dsea' Jmáang~. Co' e cajmée' Dsea' Jmáang~ do dseáng'~ ja' sea' e cuøøng' lí' cóng~ cóo'~ e jo, co' la'eáang' jíí'~ cóo'~ íb' fíim' dsea' jmi'igüi' tíin'~ fí' quini' Fidiée'. ¹⁶ Jo e cangíing'naa' quía'~

Fidiée⁵ uí¹ e eáang' 'neáaiñ` jneaa~aa' do ja` cuøong` lí cøong~naa' cóo¹ e dsee⁻ e ca'ée` i Adán do. Co¹ mi⁻ ca'éeiñ` do dsee⁻, joba' canaang` e caliseá' 'mó⁻ fí jmigüf, jo uí¹ joba' ca'naam` dsea` jóng e seeiñ` cøong` cóo¹ Fidiée⁵. Jo dsu' e cangíing`naa' quiá¹- Fidiée⁵ do jmóo` e íñ¹ jneaa~aa' e nilíi'naa' dsea` i ja` røong` dsee⁻ fí quini⁵. Jo e jo jmóo` Fidiée⁵ cóo¹ jneaa~aa' la'eáang` cóo¹ Dsea` Jmáang⁻, co¹ íbing' i nicalíing` lajalé¹ dsee⁻ quiá¹- dsea` jmigüf. ¹⁷ Jo dsu' e jáb¹-, mi⁻ ca'ée` i Adán do la'uii⁻ dsee⁻, joba' canaang` e caliseá' bí quiá¹- 'mó⁻, co¹ dseáng¹- lajiiim` dsea` jmigüf tiiñ` e jo. Jo dsu' e eáang`gui¹ sea` bí quiá¹- lajii¹ e cuø¹ Fidiée⁵ i fíing` dsea` jmigüf e íng¹ neiñ¹ e líiñ¹ dsea` i ja` røong` dsee⁻ fí quini⁵. Jo jmóo` Fidiée⁵ lajo la'eáang` cóo¹ jí¹ 'ñia' Dsea` Jmáang⁻ uí¹ e eáang` guiúiiñ` cóo¹ dsea` jmigüf. Jo co¹ lajob líí, joba' røøb` nííiñ¹- í¹ cóo¹ Dsea` Jmáang⁻ mi⁻ nití⁻ í¹ lajo.

¹⁸ Jo co¹ la'eáang` cóo¹ e coo` dsee⁻ e ca'ée` i Adán do, job mi⁻ ca'naang` dsea` e seeiñ` cøong` cóo¹ Fidiée⁵. Jo dsu' la'eáang` cóo¹ e coo` e guiá⁻ e cajmée` Dsea` Jmáang⁻ fí dse¹ crúu[^], joba' lana niseab` fí e lajaléng¹ dsea` nilíiñ` dsea` i ja` røong` dsee⁻ fí quini⁵ Fidiée⁵. ¹⁹ Jo co¹ ja` cajmée`gui i Adán do núu¹r~ lajii¹ ta~ caqui¹ Fidiée⁵, joba' lajalém¹ dsea` jmigüf ca'uiiñ` dsea` dsee⁻ dsea` qui¹. Jogui lajobi cajo, la'eáang` e cajmée` Dsea` Jmáang⁻ núu¹r~, joba' íng¹ Fidiée⁵ i fíim` dsea` jmigüf e líiñ¹ do dsea` i ja` røong` dsee⁻ fí quini⁵.

²⁰ Jo mi⁻ caliseá' e júu[^] qui¹ ta~ e cajme¹ Moi~ do, joba' eáang`gui¹ calilí¹ dsea` e røøiñ` dsee⁻ jóng. Jo dsu' mi⁻ calimíing¹ eáang` dsee⁻ quiá¹- dsea`, joba' Fidiée⁵ eáang`gui¹ caliguiúiiñ` cóo¹ jaléng¹ dsea` nañi¹ fa` ja` catíiñ¹- lajo. ²¹ Jo dsu' e jáb¹- e dsee⁻ e ée` dsea` jmigüf seab` bí quiá¹-, co¹ fí 'mób⁻ sí¹. Jo dsu' e eáang` guiúing⁻ Fidiée⁵ cóo¹ jneaa~aa' do eáang`gui¹ sea` bí

quia'⁻, cō' nica'ím'⁻ bre jneaa~aa' e líí'naa' dsea' i ja` røøng` dsee⁻ fí' quindir̃. Jo cajmээр` lajō cō' jneaa~aa' e laco' nilisee⁻ naa' car` ngongh̃ jmĩ la'eáang' cō' Fí'naa' Dsea` Jmáang⁻.

6

Lafa' dsea' 'míng⁻ nilí'naa' la'eáang' cō' Dsea` Jmáang⁻

¹ Jo fí' guí' 'nú', dsea` rú'naa', e ja` cuøøng` e ni'í'gui dsi'naa' e nibeáang'⁻ gui dsee⁻ yee~naa' e laco' eáang'gui niliguiúng⁻ Fidiée' cō' jneaa~aa'. ² Co' dseáng'⁻ o' lajō! Dsucō' jneaa~aa' lafa' nicajúm⁻ baa' uí' e nica'náng'naa' jee~jalé' dsee⁻ e lami~ quie' nifí' quí'ii'. Jo cō' lajōb nilí'naa', jōba' jō' cuøøng` fa' e nibeáang'⁻ gui dsee⁻ yee~naa'. ³ Dsucō' nine~baa' guiú⁻ e ie~ mi~ cajgáang⁻ naa' jmĩ uí' e nilí'naa' dsea` quia'⁻ Dsea` Jmáang⁻, jōba' lafa' e cajúm⁻ baa' jóng cō' dsea` do fí' dse' crúu'. ⁴ Cō' ie~ mi~ cajgáang⁻ naa' jmĩ do lí' lafa' e røøb` ca'áng⁻ naa' cō' Dsea` Jmáang⁻ mi~ cangí e cajúin⁻. Jogui mi~ cají'tu Dsea` Jmáang⁻ la'eáang' cō' e güea'⁻ 'gøng' quia'⁻ Tiquia'r⁻ Fidiée', jōba' lafa' cají'b'tu jneaa~aa' cajo e laco' nilisee⁻ naa' e nilí'naa' lafa' dsea' 'míng⁻.

⁵ Jo cō' lafa' cajúm⁻ baa' ie~ lami~ cajúng⁻ Dsea` Jmáang⁻, jōba' lana lafa' jaam` dsea` nilí'na' cō'r̃. Jo cō' cají'b'tu Dsea` Jmáang⁻ mi~ cangí jo, jōba' jneaa~aa' cajo nijí'b'túu' ie~ jo e laco' nilisee⁻ naa' cøøng` cō'r̃. ⁶ Jo nine~baa' guiú⁻ e ie~ mi~ catáng⁻ Dsea` Jmáang⁻ fí' dse' crúu', cacō'bre lajalé' e ja` dseeng` e lami~ jmoo⁻ naa' do, jo lajōba' ca'ím⁻ e si' fí' quí'ii' e ni'ee⁻ naa' dsee⁻ do. Jo cō' lajōb calí⁻, jōba' lana jō' quiu'gui ta~ jneaa~aa' jalé' dsee⁻. ⁷ Dsucō' fa' mi~ júung⁻ jaang` dsea', jōba' jō' cuøøng` fa' e nijmiróng'gui 'nia'r⁻ dsee⁻.

⁸ Jogui cò' jneaa~aa' lafa' nicajúm~baa' røø` còo'~ Dsea` Jmáang~, joba' nitab~ dsi`naa' e dseáng'~ nilisee~baa' cøøng` còo'r~ car` ngonghí` jmií~. ⁹ Jo cò' cajíb'tu Dsea` Jmáang~ mi~ cangf e cajúin~, joba' guiúb~ nine~naa' e jo` cuøøng`gui fa' e nijúung~tur calé' catú~, cò' jo` sea` bî` quiá'~ 'mó' fa' e niquiú'~gui ta~ ír'. ¹⁰ Jo còo` ya'ba' cajúng~ Dsea` Jmáang~ fí' dse' crúu` uí'~ jalé' dsee~ quí`ii', jo lajoba' ca'íin~ car` ngonghí` jmií~ e bî` quiá'~ jalé' e dsee~ jo. Jo mi~ cangf jo, cají'tur calé' catú~ e laco' lana niseeiñ` cøøng` còo'~ Fidiée` car` ngonghí` jmií~. ¹¹ Jo lajob jaléng` 'nú' cajo` 'né` í` óó'na' e lafa' nicajúm~ba' uí'~ e jo` quiu'gui ta~ 'nú' jalé' dsee~ quí~na'. Cò' lanagui 'né` í` óó'na' e seeng`na' cøøng` còo'~ Fidiée` la'eáang` e nilíng`na' jaang` dsea` còo'~ Dsea` Jmáang~.

¹² Jo cò' lajob líí, dsea` rú'naa' dsea` quiá'~ Dsea` Jmáang~, joba' fii~gui 'nú' e ja` cuø'gui fí' yaang~na' fa' e dsee~ quí~na' quiú'~gui ta~ 'nú' e laco' nijmit'na' lají'~ e lí` óó'na' yaang~na'. ¹³ Jo ja` jáang'~ yaang~na' fí' ni~ dsee~ e laco' nilisea` fí' quí~na' e nijmée^na' jalé' e ja` dseeng` e lí` óó'na' yaang~na', dsucò' o' lajo e 'né` jmée^na' lana; cò' lí'^ lí' 'né` jmée^na' e nijáang'~ yaang~na' fí' jaguó` Fidiée`, cò' lana nilíng`na' dsea` i lafa' nicajúng~ jogui i lafa' nicají'tu calé' catú~. Jo cò' lajob nilíng`na', joba' 'né` jmée^na' e nijáang'~ yaang~na' fí' jaguó` Fidiée` e laco' dsea` do nijmér~ còo'~ 'nú' jialcò' iin~ e nijmée^na' jmang'~ jalé' e guiú'. ¹⁴ Jo jo` 'né`gui fa' e quiu'gui ta~ 'nú' jalé' dsee~ quí~na', cò' lana niseeng`na' uí'~ e eáang` 'neáang` Fidiée` 'nú', jo jo` seeng`na' fa' e quiu'gui ta~ quí~na' e júu` quiu' ta~ e cajme' Moi' do.

Jial laang` dsea` e seeiñ` e jo` quiu' ta~ dsee~ ír`

¹⁵ Jo cò' lana nisee~naa' uí'~ e eáang` 'neáang` Fidiée` jneaa~aa' jogui e jo` quiu'gui ta~ quí`ii' e júu` quiu' ta~ do,

jòba' ja` dseeng` fa' e nibeáang'~gui dsee` yee`naa'. ¹⁶ Jò guíáb` niñí` 'nú' e song nijáang'~ yaang`na' e nijmée`na' ta` quiá'~ jaang` dsea`, jòba' 'né` jmití`ba' jóng jalé` ta` e niquiá'~ i dsea` do, cò' lafa' dsea` si`niim` nilíng`na' quiá'~ i dsea` i líng' fíi`na' do. Jò lajòb líí' e la, song 'nú' jmití`na' lajii`~ ta` quiu' dsee` quií`na', jòba' lafa' dsea` i nisijúum` líng`na' jóng, cò' nisi`naam`ba' cóo'~ Fidiée`. Jò dsu' song 'nú'gui jmoo`na' núu`na' júu` quiá'~ Fidiée`, jòba' ni`ím`bre 'nú' jóng e líng`na' dsea` i ja` røong` dsee` fí` quindir`. ¹⁷ Dsu' lana gui`máam`~ Fidiée` uii` quií`na', cò' ie` lamí` jéeng`gui do dsee` quií`ba' silíí`~ 'nú', jò dsu' lanagui nicajmití`ba' e ngocáng` óó`na' lajii`~ e júu` quiá'~ Fidiée` e nica`íng`~na' do. ¹⁸ Jò cò' jò` silíí`~gui 'nú' jalé` dsee` quií`na' lana, jòba' nicajáang'~ yaang`na' e nijmée`na' jmang`~ lajii`~ e guiú`. ¹⁹ Jò nifá`a e júu` la cóo'~ júu` e fé` doñí` ii` dsea` jmigüi` e laco' ningáng`na' røø` e júu` la, cò' fíng ja` nijmee` e lajò, huíim`jiu líí` quií`na' e ningáng`na'. Cò' 'nú', ie` lamí` jéeng`gui do, dseáng'~ cajáang'~ yaang`na' e cajmee`na' jmang`~ jalé` e 'lí' e ja` dseeng`; jò dsu' lajòb lana cajo 'né` e nijáang'~ yaang`na' fí` jaguó` Fidiée` e laco' nijmée`na' jmang`~ lajii`~ e guiú` e iing` dsea` do e nijmée`na'.

²⁰ Jò lajee` e silíí`~ 'nú' jalé` dsee` quií`na', ja` cajáang'~ yaang`na' fa' e cajmée`na' lajii`~ e iing` Fidiée`. ²¹ Jò jíi`~ cóo` e guiú` cadse`na' quiá'~ jalé` e ja` dseeng` e cajmée`na' ie` lamí` jéeng`gui do, cò' lanagui ni`i` líim`ba' cuaiñ` quiá'~ jalé` e jò. Cò' mi` jmoo` dsea` jalé` e jò, jíi`~ fí` 'mób` si'. ²² Dsu' lanagui jò` silíí`~gui quií`na' jalé` dsee`, cò' lanagui nicajáang'~ yaang`na' fí` jaguó` Fidiée`. Jò cò' lajòb nicajmee`na', jòba' lana dseáng'~ jmang`~ lajii`~ e guiú` e iing` Fidiée` nijmoo`na' jogui e niliseeng`na' cøong` cóo'~ dsea` do car` ngongíi` jmií`. ²³ Jò lajòb líí', dseáng'~ jíi`~ 'mó`ba' íng' dsea` mi` éer` dsee`. Jò dsu'

la'eáang' e eáang' 'neáang' Fidiée' jneaa~aa', joba' cacuør' e iáang' dsíir' e nilisee~naa' cøøng' cõo'~ Fíi'naa' Dsea' Jmáang~ car` ngonghí' jmií~.

7

Júu^ quiu' ta~ quiá'- dsea` sicúng'^ guó'

¹ Jo jaléng' 'nú', dsea` rú'naa' dsea` quiá'- Dsea' Jmáang~, nicuí'ba' røø' jial lí' jalé' júu^ quiu' ta~ quiá'- Fidiée', jogui niñi'bi' cajo e e júu^ quiu' ta~ do quiu' ta~ dsea` jíi'~ lajee' e seeng' dsea` fí' jmigüíb'. ² Co' faco' jaang' dseamf' cacúng'- guór', joba' dseáng'- ja' cuøøng' fa' e nitiúuiñ~ i dseañu' quiá'r~ do lajee' e seeiñ' do fí' jmigüi', co' lajob fé' e fí' ni~ e júu^ quiu' ta~ do. Jogui fíng song cajúng~ i dseañu' do, joba' i dseamf' do jo` catíng~ fa' e nijmiti~ guir laco' fé' e fí' ni~ júu^ quiu' ta~ do cuaiñ~ quiá'- dsea` sicúng'^ guó'. ³ Jo song i dseamf' do 'léer' e güiññ' cõo'~ dseañu' i jíéng' lajee' e seem'bi' i dseañu' quiá'r~ do, joba' dseeb~ éer' jóng fí' quini' Fidiée'. Jogui song cajúng~ i dseañu' quiá'r~ do, joba' jo` catíng~ guir fa' e nijmitir~ laco' fé' e fí' ni~ júu^ quiu' ta~ do cuaiñ~ quiá'- dsea` i sicúng'^ guó'. Joba' ja' dsee~ ni'éer~ fí' quini' Fidiée' song nicuíñ' guóor' cõo'~ i dseañu' i jíéng' do.

⁴ Jo lajob lí' cõo'~ jaléng' 'nú', dsea` rú'naa' dsea` quiá'- Dsea' Jmáang~, co' la'eáang' cõo'~ e cajúng~ Dsea' Jmáang~ fí' dse' crúu' do, lí' lafa' e cajúm~ 'nú' cajo. Jo lana jo` quiu' gui ta' 'nú' e júu^ quiu' ta~ quiá'- Fidiée' do. Jo calí~ lajo e laco' nilíng'na' dsea` quiá'- Dsea' Jmáang~. Jo co' dsea` quiá'- i dsea` i cají' tu calé' catú~ nilíng'na', joba' lajíi'~ e iing~ Fidiée' nijmoo'na' lana. ⁵ Jo ie~ lamí~ jmití'naa' jalé' e ja' dseeng' e lí' dsíi' ngúu' táang'naa', e júu^ quiu' ta~ do cali'íng^ ta~ e laco' eáang'gui lí' dsí'naa' e nijmó'naa' jalé' e ja' dseeng' do. Jo jalé' e jo dseáng'- jíi'~ fí' 'mób~ si'. ⁶ Jo dsu' lana jo` quié'gui

nifí' quí-ii' lajǐ' e fé' e júu^ quiu' ta~ do, co' nilíng'naa' lafa' dsea' i síjúum-, co' jo' silí'gui jnea~aa' jalé' dsee- quí-ii'. Jo co' lajob nilí', joba' lana fí' 'míib- nitée- naa' e nijmoo- naa' la'eáang' cóo' Jmiguí' quía'- Fidiée' lajǐ' e iing~ Fidiée' e nijmó^oo', jo o' la'eáang' cóo' e júu^ yúu' quiu' ta~ do.

Lajǐ' dsee- e sea` quíe- e

⁷ Jo e laba' iin~n fíi' i 'nú', dsea` rú'naa' dsea` quía'- Dsea` Jmáang-, e o' dsee- e júu^ quiu' ta~ do. ¡Co' dseáng' o' lajo! Dsuo' faco' mi~ ja` mí' sea` e júu^ quiu' ta~ do, joba' ja` tóo' jmíi~ caliñi' jnea` jóng e ee' e dsee-. Co' mi~ cajme' jnea~ júu^ e júu^ quiu' ta~ do mi~ fé' lala: "Ja` jmoo' e lí' o' jalé' e sea` fí' jmigüi'", joba' la'eáang' cóo' e júu^ jo caliñi' jnea~ e lí' dsii- jalé' e sea` fí' jmigüi'. ⁸ Jo la'eáang' cóo' e júu^ quiu' ta~ do cali'íing^ ta~ e laco' jnea~ caliñii- e eám' ee- dsee- fí' jmigüi' la uí' e eáang' lí' dsii- jalé' e sea` fí' jo. Dsu' mi~ ja` sea` júu^ quiu' ta~, joba' ja` lí' dsea` e eer` dsee- jóng. ⁹ Jo nú'-gui e ningán'n lajǐ' ta~ huí' quía'- e júu^ quiu' ta~ do, lín- n e seen- juguiá- júu^ røøb`. Jo dsu' mi~ cangán'n røø lajǐ' e júu^ jo, joba' eáang'gui casi' fí' quíe- e jóng e iin~n ni'ee' e dsee-, jogui e jíi' 'mób- nisíjée' quíe- e uí' e jmóo`o jalé' e jo. ¹⁰ Jo lajob calí-, co' e júu^ quiu' ta~ do e lami~ lín- n e sí'í' e nijmicóo' jnea~ e laco' jial niliseen- juguiá- júu^ røø, dsu' ja` calí- lajo, co' ca'léeb' quíe- e e lafa' cajúm- baa uí' jalé' dsee- e ca'ee' e do. ¹¹ Dsuo' la'eáang' cóo' e júu^ quiu' ta~ do cali'íing^ ta~ e laco' jnea~ caliñii- e jmigóob' jalé' dsee-, co' dseáng'- jíi' fí' 'mób- si'.

¹² Joba' fíi' i 'nú', dsea` rú'naa', e güeam'^ jalé' e júu^ quiu' ta~ do, jogui lajob líí' cajo lacoø` e júu^ ta~ huí' do, jogui røøb` quiu' ta~ quía'- dsea`, jogui guíi- bi cajo. ¹³ Co' e laba' líí' e lí' laco' calili~ e dseáng'- lajam' ba' líí' dsee-

Romanos 7:14 25 Romanos 7:25

jalé^h dsee⁻ quié⁻ e. Jo e dsee⁻ quié⁻ e do cajmeáng^h ta^h e júu^h ta^h huí^h quiá⁻ Fidié^h do e laco^h casing^h jnea^h fí^h 'mó⁻. Jo lajoba^h la'eáang^h cóo^h e júu^h ta^h huí^h do caja^h júu^h e dseáng^h lajam^h ba^h 'lí^h jalé^h dsee⁻ quiá⁻ dsea^h.

¹⁴ Jo nine^h baa^h røø^h e Fidié^h bing^h cacuø^h e júu^h quiu^h ta^h do, jo dsu^h jnea^h gui^h lín^h n^h jíí^h dsea^h jmigüf^h, jogui jaang^h i jmiti^h lajíí^h ta^h quiu^h dsee⁻ quiá⁻. ¹⁵ Jo jíí^h 'ñiá^h a ja^h ngán^h n^h ee^h jalé^h e jmóo^h, dsuco^h ja^h jmóo^h jalé^h e iin^h n^h 'ñiá^h a, co^h jalé^h e 'ní^h máam^h baa^h, e joba^h jmóo^h. ¹⁶ Jogui song jmóo^h jalé^h e ja^h iin^h n^h jmee^h e do, joba^h cóo^h e jo cuøø^h lí^h e eáam^h guiú^h e júu^h quiu^h ta^h do. ¹⁷ Jo lajob líí^h, dsuco^h o^h 'ñiá^h a dsea^h jmóo^h jalé^h e ja^h dseeng^h do, dsuco^h dsee⁻ quié⁻ baa e quiu^h ta^h e jmóo^h jalé^h e jo. ¹⁸ Co^h nicuíim^h 'ñiá^h a e dsea^h dsee⁻ dsea^h quib^h lín^h n^h, joba^h jíí^h cóo^h e guiú^h lí^h i jmee^h nañí^h fa^h eáam^h iin^h n^h e nijmee^h e jalé^h e guiú^h, lifa^h dseáng^h ja^h lí^h i e nijmee^h e jalé^h e jo. ¹⁹ Dsu^h ja^h jmóo^h jalé^h e guiú^h e iin^h n^h jmee^h e, co^h jmang^h jalé^h e ga^h e ja^h iin^h n^h jmee^h baa^h, dseáng^h e joba^h jmóo^h. ²⁰ Jo song jmóo^h jalé^h e ja^h iin^h n^h jmee^h e do, joba^h o^h 'ñiá^h a dsea^h jmóo^h jalé^h e jo, dsuco^h dsee⁻ quié⁻ baa quiu^h ta^h jnea^h e jmóo^h jalé^h e lajo.

²¹ Joba^h nicalilí^h i e nañí^h fa^h iim^h baa jmee^h e jalé^h e guiú^h, dsu^h jmang^h jalé^h e ga^h ba^h lí^h i jmóo^h. ²² Dsuco^h eáam^h iin^h n^h e nijmitii^h jalé^h júu^h quiu^h ta^h e cajme^h Moi^h; ²³ lifa^h e dsee⁻ quié⁻ e do eáam^h quiu^h ta^h jnea^h jogui eáam^h silíí^h jnea^h cajo, co^h 'ní^h níim^h rúng^h cóo^h lajíí^h e í dsii^h e iin^h n^h nijmee^h e.

²⁴ E ngí^h fíib^h jnea^h! ¿Í^h i nileáng^h jnea^h jee^h jalé^h dsee⁻ quié⁻ e e laco^h ja^h nijúun^h n^h uíí^h e jo? ²⁵ Jo dsu^h jnea^h í dsii^h e nijmitii^h e júu^h quiu^h ta^h do, dsu^h jnea^h, dsea^h dsee⁻ dsea^h quib^h lín^h n^h, joba^h ja^h lí^h i e nijmee^h e lajo, co^h dsee⁻ quié⁻ baa quie^h nifí^h quié⁻ e. Jo lajob líí^h, lifa^h gui^h máang^h Fidié^h

e nicaléaaiñ` jnea~ jee~ jalé` e jo la'eáang' cóo~ Fíi'naa' Dsea` Jmáang` .

8

Jial seeng` dsea` e Jmiguí` quiá~ Fidiéé` quie' nifí' quiá'r~
¹ Joba' fíi~ guíi' 'nú', dsea` rú'naa' dsea` quiá~ Dsea` Jmáang` , e lajaléng' jneaa~aa', dsea` líi'naa' dsea` i seeng` cøong` cóo~ dsea` do, jo` quí~ jmií~ fa' e cuø~gui dsea` dsee~ jneaa~aa'. ² Jo lajob nilíi'naa', co' e bí' 'gøng' quiá~ Jmiguí` quiá~ Fidiéé` cóo~ e cuø' e see~naa' cøong` cóo~ Dsea` Jmáang` , e joba' e nicaléaang` jneaa~aa' jee~ bí' quiá~ dsee~ jogui jee~ bí' quiá~ 'mó~ cajo. ³ Jo e júu^ quiu' ta~ do ja` caquíi'~ jmií~ fa' e caleáang` jneaa~aa' jee~ bí' quiá~ dsee~ quí~ii'. Co' e júu^ jo ja` sea` bí' quiá~ fa' e cajmée` lajo uíi~ e quiu' ta~ quiá~ dsea` i líing` dsea` dsee~ dsea` quí'. Jo dsu' lana Fidiéé` nicajmée`bre jalé` e ja` caquíi'~ jmií~ cajmée` e júu^ do. Co' nicasíiñ` i Jóor' camíing~ do e líiñ' do jaang` dsea` jmigüi` i sea` ngúu' táang` la jneaa~aa'. Jo cajmée` Fidiéé` lajo e laco' cajáiñ' i Jóor' do e cajúíiñ' do fí' dse' crúu^, jo lajoba' ca'íiñ` conguaie e bí' quiá~ jalé` dsee~ quiá~ dsea` jmigüi`. ⁴ Jo cajmée` Fidiéé` lajo e laco' jneaa~aa' quíi'naa' jmií~ e nijmití'naa' laco' catíing~ e júu^ quiu' ta~ do. Co' jo` see~naa' fí' jmigüi' la e jmoo~guíi' jalé` e lí' dsíi' ngúu' táang`naa', dsu' lana nisee~naa' e nijmoo~naa' lí' laco' la iing` Jmiguí` quiá~ Fidiéé` e nijmó`naa'.

⁵ Jo jaléng' dsea` i seeng` e guing` dsíir' lajii~ e lí' dsíi' ngúu' táaiñ` lico' seeiñ` e jmitir~ dseáng' lajii~ e job dseáng' . Jo dsu' jaléng'gui dsea` i seeng` lí' laco' la iing` Jmiguí` quiá~ Fidiéé` e seeiñ`, joba' dseáng' jii~ e iing` e Jmiguí` do guing` dsíir' e jmóor'. ⁶ Jo dseáng' jii~ fí' 'mób~ dseáng' si' quiá~ jaléng' dsea` i jmóo` lajii~ e lí' dsíi' ngúu' táaiñ`. Jo dsu' jaléng'gui i jmóo` lajii~ lí'

laco' la iing~ Jmiguí quiá'~ Fidiée' , joba' jaléng' í juguí'~ júu' røøb' niliseeiñ' lata~ cóo'~ Fidiée' . ⁷ Jo jaléng' dsea` i guing~ dsí' e iñ~ jmér~ lají'~ e l'f dsí' ngúu' táaiñ' , joba' i dsea` í 'n'í' ním~bre Fidiée' , dsuco' ja` iñ~ o'gui qui'~r~ jmiñ' fa' e nijmér~ núu'~r~ lají'~ júu' quiu' ta~ quiá'~ dsea` do. ⁸ Co' jaléng' dsea` i jmiti~ lají'~ ta~ quiu' e l'f dsíir' yaaiñ' ja` qui'~r~ jmiñ' fa' e nili'iaang' dsí' Fidiée' cóo'~r~ .

⁹ Jo dsu' 'nú'gui, dsea` nilíng'na' dsea` quiá'~ Dsea` Jmáang~ , jo` seeng'na' fa' e jmití'gui' lají'~ e l'f óo'na' yaang'na' , co' lana niseeng'na' e nijmoo'na' lají'~ e iing~ Jmiguí quiá'~ Fidiée' e nijmée'na' . Jo lí' lajo, co' seeng' Jmiguí quiá'~ Fidiée' cóo'~ 'nú' . Jo i dsea` i seeng' e ja` seeng' Jmiguí quiá'~ Dsea` Jmáang~ cóo'~r~ , joba' i dsea` í ja` líiñ' dsea` quiá'~ dsea` do jóng. ¹⁰ Jo ja` ee' lí' e nisi'íng' e ni'íng~ ngúu' táang'na' mi~ nití' í' e nijjung~na' uí'~ e líng'na' dsea` dsee~ dsea` qui' , dsuco' seem` Dsea` Jmáang~ cóo'~ 'nú' , jogui seem` jmiguí qui'~na' cajo. Jo lí' lajo uí'~ e nica'ím' Fidiée' 'nú' e nilíng'na' dsea` i ja` røøng' dsee~ fí' quinir' . ¹¹ Jo la'eáang' cóo'~ Jmiguí quiáb'~ Fidiée' cajmээр' e cají'~tu Jesús mi~ cangf' e cajúin' . Jo e Jmiguí job cajo seeng' cóo'~ 'nú' lana, joba' 'ñiab' Fidiée' nijmér~ e nijí'~tu 'nú' calé' catú~ mi~ nití' í' lajo. Jo nijmér~ lajo cóo'~ 'nú' la'eáang' cóo'~ Jmiguí quiá'~r~ e seeng' cóo'~na' lana.

¹² Jo lajob lí' , dsea` rú'naa' dsea` quiá'~ Dsea` Jmáang~ , dseáng'~ lajam'ba' 'né' e see~naa' e jmoo~naa' lají'~ e iing~ Jmiguí quiá'~ Fidiée' e nijmó'oo' , jo dseáng'~ ja` catíng~naa' e nijmó'guí' lají'~ e l'f dsí'naa' yee'naa' . ¹³ Jo dsu' song mi' 'noo'bi' seeng' 'nú' e jmoo'na' lají'~ e l'f óo'na' yaang'na' , joba' dseáng'~ conguiab' jóng ni'náng'na' cóo'~ Fidiée' . Jogui dsu' song la'eáang' cóo'~ Jmiguí quiá'~ Fidiée' niqiuung'na' congua' e jmoo'na' jalé' e jo, joba' latab~ niliseeng'na' cóo'~ Fidiée' jóng.

14 Jɔ jaléng' dseá ì seeng' e Jmiguí quiá' Fidiéé' quie' nifí' quiá'r, joba' íbing' dseáng' ì líng' jóó' Fidiéé'.
 15 Dsúco' Fidiéé' nicacuø'r 'nú' Jmiguí quiá'r e laco' ni'uíng-na' jóór' jɔ o' laco' e nisilí'tu 'nú' cóo' jalé' e 'gó'na' contøng. Dsúco' la'eáang' cóo' e Jmiguí quiá' Fidiéé' do see-naa' e cuøng' lí' sii-naa' cóo'r jogui e sí'naa'r lala: "¡Teaa'!"
 16 Jɔ e Jmiguí quiá' Fidiéé' do røøb' sítng' cóo' jmiguí quí'ii' e laco' nita' dsí'naa' e dseáng' jalé'ba' e nilí'naa' jóó' Fidiéé'.
 17 Jɔ uí' e dseáng' nilí'naa' jóó' Fidiéé', joba' ni'íim-baa' jalé' e catí'naa' e sí'í' nicuø'r jaléng' jóór' lí' laco' jí' júu' e nicacuø' lami' jéeng'gui. Jɔ jalé' e jɔ conrøøb' quí'ii' cóo' Dseá Jmáang' song dseáng' lajang' ni'íing-naa' jalé' iihuí' uí' e lí'naa' dseá quiá'r. Jɔ song nijmé'naa' lajɔ, joba' conrøøb' nilisee-naa' cóo'r fí' lí' niing' 'gøiñ' mí' nití' í' lajɔ.

Eáam' jlo'^ jalé' e niíing'na' quiá' Fidiéé'

18 Jɔ fí'guí' 'nú', dseá' rú'naa' dseá' quiá' Dseá' Jmáang', dseáng' nitab' dsii' e lajalé' iihuí' e dsingíng-naa' lajee' lana fí' jmigüí' la ja' ee' tí' song nicøng-naa' cóo' mí' tí' lí' nilisee-naa' cøng' cóo' Fidiéé' fí' ní'fí' quiá'r.
 19 Jɔ lajalé' e cajmée' Fidiéé' dseáng' eáam' nisijeeng' e jmí' e nijmijnéeng' Fidiéé' jaléng' dseá' quiá'r ì líng' jóór'.
 20-21 Jɔ ni'íim' lajalé' e sea' fí' jmigüí', co' jmang' e cuøng' ni'íim-ba' sea'. Jɔ lí' lajɔ dsu' ofa' e lajɔ iing' e lí', co' lí' lajɔ uí' e lajɔ cali'íing' Fidiéé'. Jɔ ja' ee' lí' lí' lajɔ, co' nitab' dsí' e jmang' jalé' e 'mí' e jlo'^ niing' nilisea' ie' jɔ lí' laco'gui nilíng' jaléng' dseá' quiá' Dseá' Jmáang'.
 22 Jɔ guiúb' nine'ee' e cartí' lanab lajalé' e cajmée' Fidiéé' e sea' fí' jmigüí' eáam' quie' iihuí' jogui dsíng' seáang' dsí' cajɔ dsu' uí' e nisijeeng' e nileáng' jee' jalé' iihuí'

lí[^] laco' lí' cóo[~] jaang` dseamf̂ i tí lí[~] niliseeng` jiuung`
 quía[~]. ²³ Joguì o' jí[~] e sea' fí' jmigüü[^] dsingíng⁻ lajo,
 co' lajob dsingíng⁻ jneaa[~]aa' cajo, dsea` nicangíng⁻naa'
 Jmiguí' quía[~] Fidié[~] jéeng[~]gui e laco' cuø lí[~] quía[~] jalé[^]
 e niñíng⁻naa' cøong[~]gui. Jo dseáng⁻ eáam' nisijeeng[~]naa'
 ie[~] jmí[~] mí[~] dseáng⁻ ni'íng[^] Fidié[~] jneaa[~]aa' e lí[~]naa'
 dseáng⁻ jóor'. Jo ie[~] jo nileáiñ⁻ jneaa[~]aa' conguaí,
 co' nijmisíim⁻bre jialco' lí[~] ngúu' táang⁻naa'. ²⁴ Jo co'
 nicalaam⁻baa' jee[~] jalé[^] dsee⁻ quí⁻ii', joba' nitab[~] dsí⁻naa'
 e ni'ím[^]baa' lají[~] e nisijeeng[~]naa' do e catí⁻naa' quía[~]
 Fidié[~]. Jo song nijóø⁻baa' lají[~] e nisijeeng[~]naa' do, joba'
 jo' ee' ta[~]gui jóng e sijeeng[~]guí[^] e jo. Co' doñí' ee' e niní[^]
 dsea', jo' 'né⁻gui fa' e nijéng⁻guir e ni'íñ[^] e jo. ²⁵ Jo co' ja
 mí' jóø⁻guí[^] lají[~] e nisijeeng[~]naa' e ni'íng[^]naa' quía[~]
 Fidié[~] do, joba' 'né⁻ e dseáng⁻ ja' nilítúng⁻ dsí⁻naa' e
 sijeeng[~]naa' e jo.

²⁶ Joguì e Jmiguí' quía[~] Fidié[~] e nicangíng⁻naa' do,
 e joba' e jmicóo[~] jneaa[~]aa' uí[~] e ja' quí[^]naa' jmí[~]
 jmé[^]naa' yee[~]naa'. Co' faco' mí[~] ii[~]naa' síing[~]naa' cóo[~]
 Fidié[~], ja' quí[^]naa' jmí[~] jmé[^]naa' laco' sí[^]. Joba' e
 Jmiguí' quía[~] Fidié[~] e seeng[~] cóo[~] jneaa[~]aa' do, e joba'
 e mí' uí[~] quí⁻ii' laco' sí[^] fí' quini[~] Fidié[~]. Jo jmóo' lajo
 dseáng⁻ e jí[~] ja' sea' júu[^] jial nifé[^] e mí' uí[~] quí⁻ii' e
 Jmiguí' do. ²⁷ Jo Fidié[~]bing' dseáng⁻ i niñí' jialco' jí[~]
 í' dsí[^] lajaang⁻ lajaang⁻ dsea', joguì niñí'bre guí[^] cajo e[~]
 jmí[^]ee[~] mí' e Jmiguí' quía[~]r⁻ do. Co' e Jmiguí' do mí' jmí[^]ee[~]
 uii[~] quía[~] lajaléng[^] dsea' quía[~] Fidié[~] lí[^] jialco' la iing[~]
 dsea' do 'ñia'r' e nilí[^].

Dseáng⁻ lí[^]baa' jee[~] jalé[^] iihuí[^]

²⁸ Jo guí[^]b⁻ nine[~]naa' e lajaléb[^] e dsingí⁻naa' fí' jmigüü[^]
 la, jmóo' Fidié[~] lajo e laco' ni'uíng⁻ guí[^] quí⁻naa', dsea'
 lí[~]naa' dsea' quía[~]r⁻ i 'neáng[^] ír'. Co' dsea' do nicaguíñ[^]

jaléng' jneaa~aa' e laco' nijmó~naa' jialco' iĩñ' 'ñia'r' e ni'uíng~. ²⁹ Jo lajúi'~ latí' mi' uing~ niñi' Fidiée' i~ jaléng' i nilíng~ dsea' quiá'r~. Jo lajúi'~ latí' ie~ jo cajo cali'iiñ~ e lajaléng' i ni'uíñ~ dseáng'~ laco' líng' i Jóor' Dsea' Jmáang~ do, jo lajoba' i Jóor' camíng'~ do ni'uíñ~ jaang' i niing~gui jee~ lajaléng' i rúñ' do. ³⁰ Jo jaléng' dsea' i nisi'íng' quiá'~ Fidiée' júi'~ latí' mi' uing~ do, nicató'~bre jaléng' i laco' ni'uíñ~ do dsea' quiá'r~. Jo jaléng' dsea' i nicató'~bre do nica'íng' neiñ' e nilíiñ' dsea' i ja' røoiñ' dsee~ fí' quinir'. Jo gui jaléng' i nicangúiiñ' quiá'~ dsea' do e nicuóøng' e niliseeiñ' cóo'~ dsea' do fí' ñifí' quiá'r~ fí' lí' niing~ 'gøiñ'.

³¹ Jo co' lajob lí', joba' ¿e~ cuóøng' lí' fé'gui jóng? Jo co' Fidiée'bing' i sing' uii' quí~ii', joba' júi'~ jaang' jo' ii' quíi'~gui jmiñ' nijme'~ guíaa' jneaa~aa'. ³² Jo Fidiée' ja' ca'áaiñ' í', co' cacuóøm~bre i Jóor' Dsea' Jmáang~ do e laco' cajáiiñ' e cajúiiñ' do fí' dse' crúu' uii'~ quí~ii', dsea' lí'naa' dsea' quiá'r~. Jo co' lajob cajméer', joba' lana cuóøng' lí' fe'ee' e nicuó'~bre cajo e iáang' dsíir' lajalé' e 'né'naa'. ³³ Jo jaléng' jneaa~aa', dsea' i nicaguíng' Fidiée', júi'~ jaang' cuóøng' lí' cuó'~gui jneaa~aa' dsee~ fí' quinir'. Co' 'ñiab' Fidiée' dsea' nica'íñ' jneaa~aa' e laco' lana nilí'naa' dsea' i ja' røong' dsee~ fí' quinir'. ³⁴ Jo uii'~ e nilí'naa' lajo, joba' jo' ii' quíi'~gui jmiñ' fa' i nijmi'náng'gui jneaa~aa' cóo'~ Fidiée'. Co' Dsea' Jmáam~bing' i cajúng~ fí' dse' crúu' uii'~ dsee~ quí~ii', jo gui dsea' íb' cajo i cají'tu calé' catú' mi' cang' jo; jo dsu' lana dob niguiiñ' fí' ñifí' lí' lí' dsée' laco' guing' Tiquiá'r' Fidiée' e mir' uii' quí~ii', dsea' lí'naa' dsea' quiá'r~. ³⁵ Joba' lana dseáng'~ nitab~ dsí'naa' e júi'~ jaang' o'gui júi'~ cóo' cuóøng' lí' jníng~ quí~ii' e 'neáng' Dsea' Jmáang~ jneaa~aa' nañi' fa' e íing'~naa' iihuí' osi e huíng' dsijée' quí~ii' é, osi e jmáng' dsea' jneaa~aa' ga' dsu' uii'~ e lí'naa' dsea' quiá'~ Dsea' Jmáang~

é, osi e ja 'ga' lí sea' e quiee' naa' é, osi e nijngám' - bi dsea` jneaa' aa' é. Jo lajalé' e na jí' coo` cuøong` lî jning` e 'neáang` Dsea` Jmáang` jneaa' aa'. ³⁶ Jo dseáng' - lajob lí' lí' laco' fé' fí' ni' jì' quiá' - Fidiée' lí' fé' lala:

Jo uí' e lí' naa' dsea` quí' -

joba' contøom` dseáng' - see` naa',

co' gab` jmáng' dsea` jneaa' aa'

lí' laco' la dsingíng` jaang` jo'se' i tí' lí' nijngáng' - dsea`.

Jo lanab fé' júu` quiá' - Fidiée'.

³⁷ Jo lajaléb' e dsingí' - naa' lajee` see` naa' fí' jmigüü' la ja` jmóo` guíaa' jneaa' aa', co' Dsea` Jmáam` - bing' i jmicóo` - jneaa' aa' uí' e eáang` 'neáaiñ` jneaa' aa'. ³⁸⁻³⁹ Joba' fí' i 'nú', dsea` rú' naa', e dseáng' - lajam` nita` dsii` e jí' coo` quí' - jmi` e nijmi` náng` jneaa' aa' e eáang` 'neáang` Fidiée' jneaa' aa'; co' ja` quí' - jmi` jmé` lajo 'mó', o'gui jalé' e dsingíng` - naa' lajee` see` naa', o'gui jaléng` ángeles quiá' - Fidiée', o'gui jalé' guí' e í' fí' guíá' güü', o'gui jalé' e dsingí' - naa' lajee` lana osi lí' dsé` gui é, o'gui jalé' e sea` fí' yú' - jmigüü', o'gui jalé' e sea` fí' nú' - uó', o'gui lí' doñí' ee' e cajmée' Fidiée' e sea` fí' jmigüü'. Co' jí' coo` ja` cuøong` fa' e nijmé' e ni' náng` naa' e eáang` 'neáang` Fidiée' jneaa' aa'. Jo e jo nicajmitar` dsí' naa' la'eáang` cóo' - Fíi' naa' Dsea` Jmáang`.

9

Mí' caguíng` Fidiée' dsea` Israel e ni' uíiñ' - dsea` quiá' r`

¹ Jo fí' - guí' 'nú', dsea` rú' naa', e dseáng' - júu` jáb' - fá' - jnea` la, co' dsea` quiá' - Dsea` Jmáam` lín` n. Jogui e Jmigüü' quiá' - Fidiée' e quie' nifí' quiá' - jalé' e í' dsii`, e joba' tíi' ni' e dseáng' - ja` fá' - baa júu` ta` júu`. ² Jo dseáng' - eáam` lijjuung` dsii` jogui dseáng' - contøong`

e cu^l dsii⁻ jaléng^l dsea^l góo^o dsea^l Israel. ³ Co^l jnea[~] jì^guì cartí^l iin[~] n e si^llin^l n fí^l quini[~] Fidiée[~] e laco^l si^lnaan⁻ cóo^l Dsea^l Jmáang⁻ e faco^l lajoguì e nilí^l i e nijmicóo^l jaléng^l i dsea^l góo^o do e laco^l ja^l ni^líñ^l iihuí^l uí^l jalé^l dsee⁻ quiá^lr⁻. ⁴ Jo dsea^l siju[~] dsea^l Israel líng^l jaléng^l í lí^l laco^l gui la líng^l jnea[~] cajo. Jo Fidiée[~] bing^l i nicaguíng^l jaléng^l jnea^l e laco^l nica^luíng⁻ naa^l dseáng^l jóor^l. Jo contøong⁻ caliséng^l Fidiée[~] fí^l jee[~] jaléng^l dsea^l áang^l quí^l ii^l e jmijnéeiñ^l jial tí^l jlo^l líiñ^l cóo^l jalé^l e quí^lr⁻ jmíi[~] jmóor^l. Joguì cajmirór^l júu[^] cóo^l jaléng^l i dsea^l í, joguì cacuø^l bir cajo júu[^] quiá^l ta[~] quiá^lr⁻. Joguì cajím^l bir jial 'né⁻ e nijmiféiñ^l do ír^l laco^l catíng⁻, joguì cajím^l bir cajo ie[~] jo e nicuø^l breiñ^l do lajee[~] ngóo^l guíjia jalé^l e catíiñ⁻ lí^l laco^l júu[^] e nicacuø^l reiñ^l lamí[~] jéeng^l gui. ⁵ Jo jaléng^l i dsea^l í, dsea^l siju[~] lí[~] dsea^l cóong^l quíe⁻ baa líiñ^l. Jo Dsea^l Jmáang⁻ fí^l jee[~] job cagüi^l hí^l cajo ie[~] lamí[~] cajar⁻ fí^l jmigüi^l la e líiñ^l jaang^l dsea^l jmigüi^l. Joguì Dsea^l Jmáang⁻ Fidiée[~] líiñ^l cajo i quíe^l nifí^l quiá^l lajalé^l e sea^l fí^l la'úng⁻ fí^l jmigüi^l. Jo co^l lajob líiñ^l, joba^l contøom⁻ 'né⁻ e nijmiféng^l naa^lre. Jo lajob 'né⁻ lí^l.

⁶ Dsu^l ofa^l cajé^l e ja^l cajmiti[~] Fidiée[~] lajii^l júu[^] quiá^lr⁻ e cacuø^l dsea^l Israel; co^l cajmiti[~] bre jalé^l e júu[^] jo, lífa^l e ja^l lajiing^l dsea^l siju[~] dsea^l Israel dseáng^l já^l líiñ^l dsea^l quiá^l Fidiée[~]. ⁷ Joguì o^l lajiing^l dsea^l siju[~] lí[~] yúu^l Abraham líiñ^l dseáng^l jóo^l dsea^l do, dsuco^l lamí[~] jéeng^l gui lalab casí^l Fidiée[~] i lí[~] yúu^l Abraham do: "Jaléng^l dsea^l i dseáng^l já^l i nilíng⁻ siju^l niliseeiñ^l la'eáang^l cóo^l jóo^l i sii^l Isáa^l." ⁸ Jo uí^l e júu[^] na, joba^l lana cuøong^l fe^lee^l e o^l lajaléng^l dsea^l siju[~] lí[~] yúu^l Abraham dseáng^l já^l líiñ^l jóo^l Fidiée[~], co^l dseáng^l o^l lajo. Dsuco^l lajii^l dsea^l i seeng^l i já^l líng^l lajii^l júu[^] e cacuø^l Fidiée[~] i lí[~] yúu^l Abraham do lamí[~] jéeng^l gui, lajii^l í bing^l i

dseáng' já' líng' jóó' Fidiée'. ⁹ Dsæco' e lab júu' e cacuo' Fidiée' i 'lí' yúu' Abraham do lamí' casí'r lala: "Coo' lajee' lana, lajee' jii' ní'f, nigáa'túu, jo i dseamf' quí' i sii Sara niliseeng' jaang' yuu' siñuu' quía'r'."

¹⁰ Dsu' o' jii' e jo, co' lajob cajméer' cajo cóo' i dseamf' i sii Rebeca do i caliséng' jiuung' suung' quía'. Jo i tiquía' i jiuung' í, íb' i líng' 'lí' yúu' quí'ii' i sii Isáa'. ¹¹⁻¹³ Jo nú' gui e niliseeng' i jiuung' dsea' suung' do, lajee' e nú' gui e ja' mí' cajméeiñ' do jii' coo' e guiú' osi e ja' dseeng' é, jo lajii' latí' ie' job cajíng' Fidiée' lala e casí'r i Rebeca do: "I jiuung' dsea' suung' i niliseeng' quí' nifí, íbing' i nijmé' ta' quía' i jiuung' i niliseeng' cøøng' guíju do." Jo røøb' cøøng' e júu' na lí' laco' la fé' Fidiée' fí' ní' jii' quía'r' lí' fé' lala: "Jo eáang' cajmi'neáang' jnea' i Jacóo' do, dsu' ja' cajmée' e lajo cóo' i Esaú do." Jo cóo' e júu' na jmita' dsi'naa' e 'ñiab' Fidiée' sea' fí' quía'r' e nigúñ' dsea' i iñ' i ni'uíng' dsea' quía'r' lí' laco' iñ' e nijméiñ' do, jo ja' e lí' su nicajméer' e guiú' osi e ja' mí' cajméer' lajo é.

¹⁴ Jo uí' jalé' e na ja' cuøøng' lí' fe'ee' fa' e Fidiée' ja' ír' í' røø' laco' catíng', jco' dseáng' o' lajo! ¹⁵ Co' lalab cajíng' Fidiée' ie' malí' gui do, ie' lamí' casí'r Moi' lala: "Guiúu' baa' nijmee' e cóo' lajaléng' dsea' i iin' n' nijmee' e cóo' lajo, jogui nilí' fí' lín' n' cajo cóo' jaléng' i iin' n' i nijmee' e cóo' lajo." ¹⁶ Jo lajob líí', co' 'ñiab' Fidiée' i fí' líng' dsea' lí' jialco' iñ' e nijmér' cóo' lajaang' lajaang' dsea'. Co' ja' jmóor' jialco' iing' dsea' o' gui jialco' bí' cuø' yaang' dsea' cajo. ¹⁷ Jo lanab líí' e júu' na lí' laco' la fé' fí' ní' jii' quía' Fidiée' lí' s'í'r' i dseata' dsea' féng' quía' Egipto ie' malí' gui do, ie' lamí' cajíñ' lala: "Cacuøø' ø' 'nu' e lín' dseata' dsea' féng' e laco' nilíñ' dsea' fí' la'úng' fí' jmigúí' jial tíí' e 'gøøng' jnea', jogui e nilíñ' dsea' cajo e jii' jneab' lín' n'

Fidiée˘ quiá˘- lajaléng˘ dsea˘ i seeng˘ fí˘ jmigüü˘.” 18 Jo lajob líí˘, co˘˘ Fidiée˘ fí˘ líím˘-bre jaléng˘ dsea˘ i iin˘ nijmér˘ cóo˘˘ lajo, jogui jmóo˘ bir cajo e ue˘ dsíí˘ jaléng˘ i dsea˘ i ja iing˘ ninú˘- júu˘ quiá˘r˘.

19 Jo uíí˘ e júu˘ na, joba˘ cuóøm˘ sea˘ lí˘ jmingíí˘- 'nua˘ jnea˘ lala: “¿Jiali˘ cuó˘˘ Fidiée˘ jneaa˘ aa˘ dsee˘ cóo˘˘ jalé˘ dsee˘ e ee˘ naa˘? Co˘˘ jíí˘- jaang˘ cuóøng˘ lí˘ jning˘ jalé˘ e iing˘ dsea˘ do e nijmér˘.” 20 Jo dsu˘ jnea˘ fíí˘- i 'nua˘, dsea˘ lin˘ jíí˘- dsea˘ jmigüü˘, e ja˘ sea˘ fí˘ quíí˘- fa˘ e nifí˘ Fidiée˘ e˘ uing˘ sea˘ quiá˘- jalé˘ e jmóor˘. Cofa˘ coo˘˘ tu˘ ja˘ fí˘ sea˘ quiá˘- fa˘ e nisi˘ i dsea˘ i cajmée˘ do: “¿Jiali˘ cajmeaan˘- jnea˘ lala?” 21 Co˘˘ i dsea˘ i jmóo˘ tu˘ do seab˘ fí˘ quiá˘r˘ e nijmér˘ doñí˘ ee˘ iin˘ cóo˘˘ e guóo˘ e jmáiñ˘ ta˘ do. Co˘˘ cóo˘˘ e guóo˘- job cuóøng˘ lí˘ jmér˘ coo˘˘ tu˘ e nijmeáiñ˘ ta˘ jíí˘- mĩ˘ jmĩ˘ niing˘- osi e nijmér˘ coo˘˘ gui e nijmeáiñ˘ ta˘ lacoo˘ jmĩ˘ lacoo˘ jmĩ˘ é.

22 Jo Fidiée˘ cali˘ iin˘ e nijmijnéeiñ˘ jial tíí˘ 'gøiñ˘ jogui jial e nicuó˘r˘ iihuíí˘ jaléng˘ dsea˘ uíí˘ quiá˘- jalé˘ dsee˘ quiáiñ˘-; jo dsu˘ ja˘ mĩ˘ cajméer˘ lajo uíí˘ e eáang˘ jmóor˘ té˘r˘ e féng˘ dsíir˘ cóo˘˘ jaléng˘ i dsea˘ i catíng˘- ni˘íng˘ e iihuíí˘ jo jogui i catíng˘- ni˘íng˘- conguiá˘ fí˘ lí˘- lí˘. 23 Jo Fidiée˘ iin˘ e jmili˘-bre cajo cóo˘˘ jneaa˘ aa˘ jial tíí˘ jlo˘ niing˘- 'gøiñ˘ cóo˘˘ jalé˘ e quíí˘r˘ jmĩ˘ jmóor˘, co˘˘ cali˘ fí˘ lííiñ˘- jneaa˘ aa˘, joba˘ lati˘ mĩ˘ uiim˘ caguiéeiñ˘ jneaa˘ aa˘ guiá˘ e laco˘˘ nilisee˘- naa˘ cóo˘r˘ fí˘ lí˘ niing˘- 'gøiñ˘’. 24 Jo nicató˘- Fidiée˘ jneaa˘ aa˘, dsea˘ i eáang˘ 'neáiñ˘, e laco˘˘ nica˘uíng˘- naa˘ dsea˘ quiá˘r˘, jo ja˘ ee˘ líí˘ si líí˘ naa˘ dsea˘ Israel osi ja˘ líí˘ naa˘ lajo é. 25 Jo lajob líí˘ líí˘ laco˘˘ la fé˘ Fidiée˘ fí˘ ni˘ jí˘ e cajme˘ Oseas ie˘ mali˘ gui do ie˘ lami˘ café˘ Fidiée˘ lala:

Jaléng˘ dsea˘ i ja˘ mí˘ calíng˘ dsea˘ quié˘ e,
 dsu˘ lana nifíí˘- ire e dsea˘ quié˘- baa nilíííí˘;
 jogui jaléng˘ dsea˘ i ja˘ mí˘ cajmi˘- neáan˘ n lami˘ jéeng˘ gui,

dsu' lanagui nijmi'neám`baa jaléng' í̇.

²⁶ Jo fí' ní~ e jì` job cajo fé'gui Fidiée' lala:

Cartí' lana ja` líng'na' dsea` quié`e,

jò dsu' lanagui jóo`baa nilíng'na' quié` jnea~, dsea`
lín' n Fidiée' i seeng` car` ngonghí` jmií~.

Jo lanab líí' júu^ quiá'~ Fidiée' e cajme' Oseas.

²⁷ Jo lalab fé' Saíí^ fí' ní~ jì` quiá'~ Fidiée' cuaiñ~ quiá'~
jaléng' dsea` Israel:

Naíí' fa' jialgui la fíng' jaléng' dsea` Israel

lí^ laco'gui la jmiguiá' tóo'~ e née' fí' 'ní' jmiíí'^,

jò dsu' jíí'~ tú'~ 'ní' mím'~bing' i nilí' nileáng' jee~ jalé'
iihuí' e nijaquíéng'.

²⁸ Co' jo` huøø` nidsé`gui e dseáng'~ nijmiti~ Fidiée'
laco' si'í^ e 'goo' e nica'íir~ lamí' jééng'gui quiá'~
lajaang` lajaang` dsea` jmigúí'.

²⁹ Jo lalab café'gui Saíí^ ie~ malií~gui do cajo:

Jo faco' Fidiée' i quií'~ jmií~ jmé` doní' ee`

ja` caseáiñ` tú'~ 'ní' míng'~ dsea` síju`naa', dsea`
Israel,

joba' dseáng'~ conguiab' nica'íiñ~ jnea'^ jóng

lí^ laco'gui cajméer` cóo'~ jaléng' dsea` i caliséng' fí'
Sodoma cóo'~gui fí' Gomorra.

Jo lanab fé' Saíí^ fí' ní~ jì` quiá'~ Fidiée' e cajme'r' ie~
malií~gui do.

Catím` dsea` Israel júu^ quiá'~ Dsea` Jmáang` cajo

³⁰ Jo uíí'~ quiá'~ jalé' e júu^ na, joba' nicuøøng` lí' fe' ee'
lana e nica'ím' Fidiée' jaléng' dsea` i ja` líng' dsea` Israel e
nilíiñ' do dsea` i ja` røøng` dsee` fí' quinií' dsu' uíí' e já'
calíiñ' do júu^ quiá'~ dsea` do, naíí' fa' ja` cajméeiñ' do
quijí' jial e ni'íng' Fidiée' ír'. ³¹ Jo dsu' jaléng' dsea` i líng'
dsea` Israel i eáang' cuø' bí' yaang~ e jmitir' la'uiing~ jalé'
júu^ quiá' ta~ e laco' ni'íng' Fidiée' ír' e líiñ' dsea` i ja`

røøng` dsee` fí` quinir` , jø dsu` ja` calí`r` lajō. ³² Jø dsu` ja` calí`r` lajō uí`~ e cacuø` bî` yaaiñ` e jmitir` lacõ` catíng` e júu` quiu` ta` do e lacõ` lajõ ni` íng` Fidiée` ír` e líiñ` dsea` i ja` røøng` dsee` fí` quinir` . Jø cõ` lajõb cajmée` dsea` Israel, jõba` cangongím` bre e caquiuiñ`^ cõõ` e cuu` e quiung` dsea`. ³³ Cõ` lalab fé` fí` ni` jì` quiá` Fidiée` lí` fé` dsea` do lala cuaiñ` quiá` Dsea` Jmáang` :

Niquiee` e cõõ` cuu` fí` Siõn,

jõ cõõ` e cuu` jø seem` dsea` i niquiung`.

Jø dsu` jaléng` dsea` i ja` líng` júu` quiá` Fí`naa` Dsea` Jmáang` ,

jõba` ja` niligøoiñ` cõõ` e jø,

cõ` Dsea` Jmáam`bing` líng` lafa` e cuu` do.

10

¹ Dsea` rú`naa` dsea` quiá` Dsea` Jmáang` , e laba` iin` n car` ngocáng` dsii` jõgui` mí`i` Fidiée` , e jaléng` dsea` góó` dsea` Israel nileáiñ` jee` jalé` dsee` quiá`r` . ² Jø jnea` fá`a uí`~ quiá`r` e eáam` iin` nijmér` lajii` e iing` Fidiée` , lifa` ja` jmóor` dseáng` lacõ` iing` `ñia` Fidiée` e nijmé` jaléng` dsea` quiá`r` . ³ Dsucõ` i` dsea` í` ja` iin` ningáiñ` jial` e íng` Fidiée` dsea` e líiñ` do dsea` i ja` røøng` dsee` fí` quinir` . Jø cõ` lajõb líiñ` , jõba` yaam`bre` nór` jial` e ni` íng` dsea` do ír` la`eáang` cõõ` jalé` e la` tiiñ` yaaiñ` , jø cab` `náaiñ` jalé` e nicagua` Fidiée` uing` e nilí` dsea` lajõ. ⁴ Jø Dsea` Jmáam`bing` i` ca`íng` bî` quiá` e júu` quiu` ta` do e lacõ` doñí` ii` dsea` i ja` líng` júu` quiá`r` nilí`r` e ni` íng` Fidiée` ír` e líiñ` jaang` dsea` i ja` røøng` dsee` fí` quinir` .

⁵ Jø lalab cajme` Moi` ie` malii`gui` do cuaiñ` quiá` e íng` Fidiée` dsea` e líng` dsea` i ja` røøng` dsee` fí` quinir` la`eáang` e jmitir` e júu` quiu` ta` do, jø lalab fé` e júu` jø: “Jaléng` dsea` i jmiti` dseáng` røø` contøøng`

e júu^ quiá' ta~ quiá'- Fidiée', joba' la'eáang' cóo' e job niliseeĩn` cajo." ⁶ Jo dsu' lalab fé`gui cajo fí' ni~ jì quiá'- Fidiée' cuaiñ~ quiá'- jial ni'íng' Fidiée' dsea` e líng' dsea` i ja` røong` dsee- fí' quini' uí' e nijá'- calfiñ'- júu^ quiá'- dsea` do, jo lalab fé` e júu^ jo: "Jie~ mí' í' o' e júu^ la: ¿I~ seeng` i cuøong` nidséng'- fí' ñiff'?" —co' fíng song í' o' lajo, joba' nijmoo' jóng e lafa' nijgiám` Dsea` Jmáang- fí' lí' guiiñ`. ⁷ Osi í'bi o' é: "¿I~ seeng` i cuøong` nijgiáang` fí' lí' neáang` jaléng' 'lí'?" —co' fíng song í' o' lajo, joba' nijmoo' jóng e lafa' nij'lb'tu Dsea` Jmáang- calé' catú-. ⁸ Co' lalab fé`gui fí' ni~ jì quiá'- Fidiée': "Jo quiáb'- seeng` cóo' 'nú' e júu^ quiá'- Fidiée' lí' laco' la fól'na' jogui lí' laco' í' óo'na'." Jo e júu^ nab e guia'naa' jee~ 'nú' e quiá'- jial já'- líng' dsea` júu^ quiá'- Dsea` Jmáang-. ⁹ Jo e júu^ job e la, e song fól' fí' quini' dsea` e Jesús líiñ' Fíi' jogui já'- líiñ' car` ngocáng` o' e Fidiée' cajmijí'r' dsea` do mi~ cangí e cajúin', joba' nileám- Fidiée' 'nu' jóng jee~ jalé' dsee- quí'. ¹⁰ Co' la'eáang' e já'- líi'naa' e car` ngocáng` dsi'naa' e júu^ jo, joba' nilí'baa' e ni'íng' Fidiée' jneaa~aa' e líi'naa' dsea` i ja` røong` dsee- fí' quini', jogui nileám- Fidiée' jneaa~aa' cajo jee~ jalé' dsee- quí'naa' la'eáang' e fé'naa' fí' quini' dsea` e Dsea` Jmáam-bing' i líng' Fíi'naa'.

¹¹ Jo lalab fé`gui fí' ni~ jì quiá'- Fidiée': "Jo dsu' jaléng' dsea` i já'- líng' júu^ quiá'- Dsea` Jmáang-, joba' ja` quí' jmiñ' fa' e nilítung- dsiir' e já'- calfiñ- e júu^ jo." ¹² Jo røøb` líi'naa' fí' quini' Fidiée', ja` ee` líi' su líi'naa' dsea` Israel osi ja` líi'naa' lajo é, co' jaam` Fíi'naa' Fidiée' seeng` quí'naa' lajñi'naa', jo jlob'^ cuø dsea` do mi~ ee'go mi' dsea` ír'. ¹³ Co' lalab fé`gui fí' ni~ jì quiá'- Fidiée' cajo: "Jo jaléng' dsea` i mi' Fidiée' e nileáng-neiñ' jee~ jalé' dsee- quí'r-, joba' lajòb` nijmé- dsea` do." ¹⁴ Dsu' ja` cuøong` lí' mi' dsea` Fidiée' song ja` mí' já'- líiñ' júu^ quiá'- dsea` do; jogui ja` cuøong` fa' e nijá'- líng' dsea` júu^ quiá'- Fidiée' song

ja` mí canú- guir e júu^ jo; jogui cajo ja` cuóøng` lí núr- e júu^ quiá'- Fidiée` do song ja`gui` i` seeng` fa' i nini'- e júu^ quiá'- dsea` do; ¹⁵ jogui ja` cuóøng` e nini'- e júu^ quiá'- dsea` do song ja` i` seeng`gui` fa' i nisíng- dsea` e nijmér- lajo. Jo lalab fé' fí ni` jì quiá'- Fidiée` cuaiñ` quiá'- e júu^ na: “Dsíng'- ia' mi` güllíng- jaléng' dsea` i quié` júu^ quiá'- Fidiée`.” ¹⁶ Jo dsu` júi~ tú- 'ní míim'- dsea` Israel i`já'- líng` e júu^ jo lí^ laco' la fé' Saíi^ fí ni` jì quiá'- Fidiée` lí fé'r lala: “Fíi, júi~ tú- 'ní míng' dsea` i`já'- nicalíng- júu^ quií'- e guia` jnea'.” ¹⁷ Jo cuóøng` fe`ee' lana e la'eáang` e guia` dsea` júu^ cuaiñ` quiá'- Dsea` Jmáang-, joba' núu` dsea` e júu^ jo; jogui la'eáang` e núu` dsea` e júu^ jo, joba' já'- líiñ` e jo. ¹⁸ Jo uíi~ joba' jmingíi- jnea~ lala: ¿Su ja` mí canúu- dsea` Israel e júu^ cuaiñ` quiá'- Dsea` Jmáang- do? Mó'^ dseáng'- nicanúu-biñ'. Jo e jáb'- e jo, co' dseáng'- lajob nicalí- lí^ laco'gui la fé' fí ni` jì quiá'- Fidiée` lí fé' lala:

Jo fí latøøng- jmigüíb` nicanúu- dsea` júu^ quiá'- i dsea` i guia` júu^ quiá'- Fidiée`,
jogui fí dseáng'- tí lí huíi^ eáang` fí ni` guóo'~ uó- nicanú' júu^ quiá'r- cajo.

¹⁹ Jo caléb' catú- jmingíi- jnea~: ¿Su ja` mí cangám' bi dsea` Israel jalé' e júu^ jo? Mó'^ dseáng'- nicangám' bre, co' lalab cajme' Moi~ ie~ malí~ gui do e fé' Fidiée`:

Jnea~ Fidiée` nijmee~ e jaléng' dsea` i ja` líng` dsea` Israel ni'uíiñ- dsea` quié- e,
jo lajoba' nilí dsihuíng` jaléng' dsea` Israel quiá'- jaléng' i dsea` í.

Jogui nijmee~ e cajo e niliguíng- dsea` Israel quiá'- jaléng' i dsea` í i ja` 'goo` ngáng' do.

²⁰ Jo eám' lahuíng` fé' Saíi^ e júu^ la lí fé' Fidiée` lala: Jo jaléng' dsea` i ja` ca'nang'^ jnea~, cadsém' bre jnea~. Jogui jaléng' dsea` i ja` cajmingíng` jnea~,

cajmijnéem`'ñiá`a jee~ jaléng`' í.
 21 Jò dsu' lalab cajme'gui Saií' e fé' Fidiée~ cuaiñ~
 quiá'- jaléng`' dsea` Israel: "Contøøm- caníi'~i guóo`o e
 jmicóo'~o 'nú', dsea` saang` óo`na' cóo'~ jnea~ jogui dsea`
 i ja` iing~ jmé- núu'~ júu^ quié-e."

11

Mi~ caguíng`' Fidiée~ jaléng`' dsea` Israel

1 Jò cò' lajob líí, joba' lana jmingii- jnea~ lala: ¿Su
 Fidiée~ nicatiúum-bre jaléng`' dsea` quiá'r- dsea` Israel?
 ¡U~, dseáng'- o' lajo! Cò' téé' óo`na' e dsea` Israel líng`
 jnea~ cajo, jò dsea` siju~ 'lii~ yúu'~ Abraham lín'n, jogui
 jee~ 'lé' quiá'- Mim' iuun- cajo. 2 Jò Fidiée~, lajii'~ lati'
 mi~ uiim~, caguíñ` jaléng`' dsea` Israel e laco' ni'uiiñ`-
 do dsea` quiá'r-, jogui cartí' lana jii'~ còo` ya' ja` mí
 catiúung- neiñ' do cajo. Cò' lí^ dsii- e guiáb- ñí^ 'nú'
 lajii'~ e cajíng'- Líí, jaang` i café' cuaiñ~ quiá'- Fidiée~ ie~
 malii~gui do, ie~ lamí~ caféiñ' Fidiée~ e ca'níiñ` jaléng`'
 dsea` Israel lala: 3 "Fíi'i, nicajngam' dsea` jaléng`' i dsea` i
 fé' cuaiñ~ quií'-, jogui nicajgiéem-bre jalé' nife' quií'-
 li~ jmiféng`' dsea` 'nú; jò lajii'~ jneab~ dsea` quií'- i ja`
 mí cajngang`' dsea`, jò dsu' lajob iin~ nijmér- cóo'~ jnea~
 cajo." 4 Jò dsu' lalab cañii' Fidiée~ quiá'- i Líí^ do jò
 casí'- reiñ' do lala: "Líí^, dsu' o' jii'~ 'nú' dsea` quié-e i
 seeng`gui lana, cò' seem`bi guié- milgui dsea` quié-e i ja`
 mí casí' uó- jni~ e jmiféiñ' i dié~ dseacuu~ i sií' Baal." 5
 Jò lajob líí' lana cajo, cò' seem`bi tú- 'ní' míng'~ dsea`
 Israel i nicaguíng`' Fidiée~ e laco' niliñ`- do dsea` quiá'r- .
 Jò nicalí- lajo uíi'~ e eáang` 'neáang` Fidiée~ jaléng`' i
 dsea` í. 6 Jò Fidiée~ nicaguíng`' neiñ' do uíi'~ e eáang`
 'neáam`breiñ' jò o' uíi'~ cóo'~ jalé' e nicajméiñ' do. Cò'
 faco' nicaguíng`' Fidiée~ jaléng`' i dsea` do la'eáang` cóo'~
 jalé' e nicajméiñ' do, joba' cuøøng` fe`ee' jóng e e eáang`

'neáng` Fidiée` jneaa`aa' do jo` cuó`guir lí` tá`- cuør` e íáang` dsíir` jóng.

⁷ Jo lalab lí', ja` calí`- dsea` Israel e ni`uíñ`- dsea` quiá`- Fidiée` lí`^ laco`'gui jíí`~ e 'nó`r'. Jo dsu` i dsea` i caguíng` Fidiée` 'ña`r` do, calí`- í e ca`uíñ`- dsea` quiá`- dsea` do. Jo dsu` jaléng` i dsea` caguiaang`- gui do cali`ueb` moguir`~, co` ja` iñ` fa` canúur`- júu`^ quiá`- Fidiée`. ⁸ Jo calí`- lajo lí`^ laco`' la fé` fí` ni` jì` quiá`- Fidiée` lí` fé` lala: "Jo Fidiée` cajméer` cóo`~ jaléng` dsea` Israel e ue` moguiñ`~ e laco`' ja` ningáin` laco`' catíng`-, jogui cajmée`bre jminiñ`~ cajo e lafa` ja` cuóøng` nijóøin`- jogui loguaiñ`~ cajo e lafa` ja` cuóøng` ninúin`-." Jo lanab líng` i dsea` í cartí` lana. ⁹ Co` lalab fé`'gui fí` ni` jì` quiá`- Fidiée` e cajíng`- dseata` dsea` féng` Daví`^:

Mí`~ i 'nu`, Fidiée`, e lajee` e seáng` rúng` dsea` góo`o dsea` Israel e gø`r` ir` colíng` jíí`~ laco`' qui` tñíñ`,
jo lajee` jo, lajee` jíí`~ e ja` lí`^bre,
miñ`- e ni`uíng`- ga` quiá`r`- e laco`' nitéin` fí` ni`
dsee`-,
jo lajoba` ni`íñ` iihuí` laco`' catíng`-.

¹⁰ Jogui mí`~ i 'nu` cajo, Fidiée`, e lafa` güijní`b`^ jminir` e laco`' ja` cuóøng` nijóør`- jogui e lafa` nijúm`- mocóo`r` congua`.

Mí` caleáang` Fidiée` jaléng` dsea` i ja` líng` dsea` Israel jee` jalé` dsee`- quiáin`-

¹¹ Jo lana nijmingí` túu` calé` catú`-: Jo mi` caquiung` dsea` Israel, ¿su dseáng`- conguiab` ca`naain` quiá`- Fidiée`? U`-, dseáng`- o` lajo. Jo dsu` mi` cajmée` dsea` Israel saang` dsíir` cóo`~ Fidiée`, jo e jo cali`íng`- ta` e laco`' jaléng` dsea` i ja` líng` dsea` Israel nitíñ`- e nileáng`- Fidiée` ír` jee` jalé` dsee`- quiáin`-. Jo lajoba` eáam` nilí` dsihuíng` jaléng` dsea` Israel quiá`- jaléng` i dsea`

î uíi' e lajɔ nicajméè Fidiée' còoiñ' do. ¹² Jɔ cɔ' saam' dsíi' jaléng' dsea' Israel cajméer' còo' Fidiée', jɔba' dseeb' ca'éer'. Jɔ dsu' e jɔ eáam' cali'íng' ta' e laco' ca'uíng' guiú' quiá' jaléng' dsea' jmigüü'. Jɔ nañi' fa' ja' calí' dsea' Israel e ca'íng' Fidiée' ír', dsu' eáam' guiú' nica'uíng' quiá' jaléng' dsea' i ja' líng' dsea' Israel. Jɔ cɔ' lajɔb líí', jɔba' cuóøng' lí fe' ee' jóng e eáang' gui guiú' ni'uíng' quiá' jaléng' dsea' i ja' líng' dsea' Israel ie' lamí' nijá' líng' jaléng' dsea' Israel júu' quiá' Fidiée'.

¹³ Jɔ dsu' sea'bi júu' e 'né' fíi' 'nú', dsea' ja' líng' na' dsea' Israel. Jɔ Fidiée'bing' i nicasíng' jnea' e laco' niguiaa' júu' quiá'r' jee' jaléng' 'nú'. Jɔ jnea' eáam' jmi'goo' e ta' e nicangín'n quiá' dsea' do. ¹⁴ Jɔ uíi' e jmóo' lajɔ còo' ta' quié' e, jɔba' jnea' iin' e faco' lajɔgui nilí' i ni'íng' jaléng' dsea' góo' dsea' Israel e nileáiñ' jee' jalé' dsee' quiá'r'. ¹⁵ Jɔ uíi' e nica'náam' 'ñia' Fidiée' e seeiñ' cøøng' còo' dsea' Israel, jɔba' jaléng' dsea' i caguiaang' gui nicalí' bre e niseeiñ' juguiú' júu' røø' còo' Fidiée'. Jɔ dsu' mi' ni'íng' tu' Fidiée' jaléng' dsea' Israel, e jɔ líí' lafa' mi' jí' tu' jaang' 'líi'. ¹⁶ Jɔ lajɔb líí' e júu' na líí' laco' gui la líí' mi' jmóo' dsea' iñí'; cɔ' song la'uii' e iñí' e nijmé' dsea' do quiá' e nicuó'r' Fidiée', jɔba' lajaléb' e ca' caguiee' gui do güeam' cajo. Jɔgui song jmó' quiá' còo' 'ma' catíng' Fidiée', jɔba' güeam' cajo e guo' quiá' e 'ma' do.

¹⁷ Jɔ cuóøng' fe' ee' e i líng' dsea' Israel líiñ' lafa' guo' 'ma' ofíi' e cajni' dsea' jɔ dsu' cahuí'b' e guo' jɔ. Jɔ eáang' quiá' e guo' e cahuí' do, fí' jɔb cajé' e guo' 'ma' ofíi' e íáang' 'ñia' fí' jee' mó'. Jɔ jaléng' 'nú', dsea' ja' líng' na' dsea' Israel, 'nú'bing' i líng' lafa' e guo' e 'ma' ofíi' jɔ. ¹⁸ Jɔ cɔ' lajɔb líng' na', jɔba' fíi' guíi' 'nú' jie' mí' í' óó' na' e niing' gui' laco' gui e guo' 'ma' e nicahuí' do, cɔ' song í' óó' na' lajɔ, jɔba' 'né' e jmiguiéng' óó' na' e o' 'nú' i se' e

jmó^ quiá^- e 'ma` do, cō' la'eáang' e jmó^ doba' e jí' 'nú', dseá` líng'na' lafa' guo^n 'ma` ofií' e ca'iaang` 'nia' fí' jee` mó'.

¹⁹ Jō dsu' jangám- ni'í^ o' jō nifo'^ lala: "Cahuí'b' e guo' quiá^- e 'ma` do e lacō' nija` jnea` éé^ quiá^- e lí' cahuí' do." ²⁰ Jō e jáb'-, lajōb calí-, dsu' cahuí'b' jalé' e guo' jō uíi~ e ja` já^- calíng- júu^ quiá^- Fidiée~. Jō dsu' 'nú', dseá` ja` lín' dseá` Israel, lafa' casém'-ba' e fí' dse' e 'ma` jō uíi~ e já^- calín'- júu^ quiá^- Fidiée~. Jō cō' lajōb calín'-, jōba' ja` 'né- e jmijlōng'^ uø' uíi~ quiá^- e jō, cō' lí' lí' 'né- e ñiing~ o'. ²¹ Jō cō' ja` cajmée' Fidiée~ féng' dsíir' cōo'~ e guo' 'ma` e guita~ cajní dseá` jōba' caquiú'bre, jō cō' lajōb cajmée'guir cōo'~ e guo' jō, jōba' dseáam'~ e nijmér- lajō cōo'~ 'nú' cajo. ²² Jō cō' lajōb líí', jōba' ne`naa' jial tíí' e guiúng- Fidiée~ lífa' í'bre í' lacō' catíng- mí' eé'gō jmóo` dseá' e ja` dseeng`. Jō cō' lajōb lííín', jōba' iihuí'b' cacuø'r' jaléng' i dseá' i cajmée` saang` dsíí' cōo'r'. Jō dsu' eáam' guiúíñ- cōo'~ 'nú', dseá` ja` líng'na' dseá` Israel, lífa' 'né- e seeng'na' e contøng- já^- líng'na' júu^ quiá^-bre. Jō dsu' song ja` jmoo'na' lajō, jōba' dseáam'- jóng e lafa' nihuíng'na' e fí' dse' e 'ma` jō. ²³ Jō song já^- nilíng` jaléng' dseá` Israel júu^ quiá^- Fidiée~ joguí e níquí'- jíng'tu yaaiñ~ fí' quini~ dseá` do, jōba' caléb' catú- ni'uíng-tur lafa' guo' quiá^- e 'ma` e lí' cahuí'í' do. Cō' quí'b~ Fidiée~ jmií~ e nijmé-tur e niséng'-tur e guo' quiá^- e 'ma` e caquiú'r' do. ²⁴ Jō cō' 'nú', dseá` ja` líng'na' dseá` Israel, lafa' cahuíng'na' fí' cōo' 'ma` ofií' e ca'iaang` 'nia' fí' jee` mó', jō lafa' caséng'-na' fí' cōo' 'ma` ofií' e guita~ cajní dseá` nañí' fa' ja` jmóo're dseá` lajō, dsu' lajōb calí- cōo'~ 'nú'; jō cō' lajōb calí- cōo'~ 'nú', jōba' eáang'guí'b ja` huíng' e lafa' niséng'tu Fidiée~ e guo' e nicaquiú'r' do quiá^- e 'ma` e guita~ cajní dseá`. Jō jalé' e guo' jō, íb' lafa' jaléng' dseá` Israel, jō ie~ mí~ nilí' lajō,

joba' nisém'tu calé' catú' e guo' quiá' dseáng' e 'ma' e guita' cajní dseá'.

Nileám jaléng' dseá Israel jee jalé' dsee quiá'r- mi' nití' e í' jo

²⁵ Dseá rú'naa' dseá quiá' Dseá Jmáang-, iim~baa e ní'na' e júu^ la quiá' Fidié' e ja' mí' cajmijnéeiñ lami' jéeng'gui e laco' lajo ja' nijmijlɔng'^ yaang~na' e tting'na' eáang. Jo e lab e júu^ jo, e i líng' dseá Israel eám' nicajméer' laaiñ cóo' júu^ quiá' Fidié', jo dsu' calí' lajo e lí' laco' ni'lié' jíe' jí' sí' 'né' tí' i dseá i ja' líng' dseá Israel i nijá' líng' júu^ quiá' Fidié'. ²⁶ Jo mi' ningí' e nidsijé' jalé' e jo cóo' jaléng' dseá i ja' líng' dseá Israel, joguiba' nileáng' jaléng' dseá Israel jee jalé' dsee quiá'r-. Jo e na lí' lí' laco' la fé' fí' ni' jì' quiá' Fidié' lí' fé'r' lala:

Jo fí' Sión lí' nijáa' i dseá i nileáng' dseá jee jalé' dsee quiá'ñ'.

Jo íb' i nijé' jalé' e ja' dseeng' jee jaléng' dseá siju' 'lí' yúu' Jacóo'.

²⁷ Jo e nab e júu^ e nijmirøø- cóo' jaléng' í' mi' nití' í' e ni'íin' n jalé' dsee quiá'r-.

Jo lanab jí' lí' júu^ quiá' Fidié'.

²⁸ Jo latí' jmiñ na, i fíim' dseá Israel 'ní' níim-bre Fidié', co' ja' mí' calíñ' júu^ quiá' dseá do e quiá' jial laang' dseá jee jalé' dsee quiá'r-. Jo lí' lajo e lí' laco' cuøøng' nijá' líng'na' júu^ quiá' Fidié', 'nú' dseá ja' líng'na' dseá Israel. Jo dsu' mí' 'noo'bi 'neáng' Fidié' jaléng' dseá Israel dsu' uí' e caguíñ' jaléng' dseá áang' quiá'ñ' do jogui e cajméer' júu^ tigua' cóoiñ' do cajo. ²⁹ Co' jalé' e cuø' Fidié' lí' doñí' i dseá jo' quí' jmiñ fa' e niguí-tur calé' catú', o'gui fa' e nitiúung-tur jaléng' i dseá i nicató'r- i nilíng' dseá quiá'r-. ³⁰ Jo lami' jéeng'gui jaléng' 'nú', dseá ja' líng'na' dseá Israel,

eáam' cajmee~na' e saang` óo'na' cóo'~ Fidiée'. Jo dsu' lanagui, uí'~ e lajòb nicajmée` cajo jaléng' dsea` Israel, joba' Fidiée' lana nifi' líiñ~ 'nú'. ³¹ Jo lajòb nicajmée` dsea` Israel cóo'~ Fidiée' lana, jo dsu' calí~ lajò cajo e lí^ laco' lana nilí fi' líng~ Fidiée' 'nú', dsea` ja` líng'na' dsea` Israel, jogui calí~ lajò cajo e lí^ laco' lajò nilí fi' líng~ Fidiée' jaléng' i dsea` Israel do. ³² Jo lajüim` dsea` jmigüi' nicajméeer` saang` dsíir' cóo'~ júu^ quía'~ Fidiée', co' lajòb sí'í^ quía'~ dsea` do. Jo calí~ lajò e lí^ laco' mí~ nilicøng'gui, nilí fi' líng~ Fidiée' lajaléng' i dsea` í.

³³ Jo dseáng'~ ja` cøng` cóo'~ jial tí' e guiúng~ Fidiée' cóo'~ lajaléng' dsea` jmigüi',

jogui lajòb cajo ja` cøng` cóo'~ jial tí' e tíiñ` ngáiñ'.

Jo jí'~ jaang` dsea` jmigüi' quí'r~ jmí~ fa' e ningáiñ' jial laco' jí'~ e í dsí' dsea` do cóo'~ jalé' e nijmér~, jogui jial e nijmér~ lajalé' e jo.

³⁴ Co' lalab fé' Fidiée' fi' ní~ jí' quía'r~:

Jí'~ jaang` dsea` jmigüi' quí'r~ jmí~ fa' e niliñir' jialco' í dsí' Fidiée'

o'gui cajo fa' e nijíñ'~ e~ jalé' e 'né~ nijmé~ dsea` do.

³⁵ Jogui jí'~ jaang` dsea` jmigüi' ja` ee' mí cacuø'r Fidiée' jéeng'gui

e laco' dsea` do nijmér~ qui' táa' cóo'~ dsea` jmigüi'.

Jo lanab lí' júu^ quía'~ Fidiée' e tóo' fi' ní~ jí' quía'r~.

³⁶ Dsaco' lajaléb' e sea` fi' jmigüi' Fidiée' bing' i cajmée', jogui la'eáang' íbre e sea` jalé' e jo, jogui e quía'~ bir lí' lajalé' e jo cajo. Jòba' car` ngongí' jmíib~ 'né' e nijmiféng'naa' Fidiée'!

Jo lajòb 'né~ niliti~.

12

Jáang'~ yaang~na' fí' jaguó' Fidiée' lafa' coo' feá'~

¹ Dsea` rú`naa' dsea` quiá' Dsea` Jmáang-, uí' e eáang' fí' líng- Fidié' jneaa`aa', j_oba' mî' i 'nú' jmi'ee' e ni-jáang' yaang~na' fí' jaguór' e líng'na' lafa' coo` feá'- e jí', jogui e güeang`na' e líng'na' dseáng' jí' e quiá'-bre, jogui e jlo` nití` dsíir' cajo; co' e nab feá'- e 'né- nijí'na' fí' quini` Fidié' e laco' nijmiféng'naa're. ² Jogui jie` mí` síng' yaang~na' e fí' ja` dseeng' lí` ngí' dsea` jmigüi` i seeng` jmií` na, co' ja' 'né- jmée`na' lajo. Co' lí' lí' 'né- e nicuó' fí' yaang~na' e nilisíng- jialco' i' óo'na', jo laj_oba' nilisíng- jialco' ee`na' fí' jmigüi` la, jogui cajo e quí'na' jmií` e nilińí`na' e` e iing~ Fidié' e nijmée`na' lí' lajalé' e guiá- jogui e jlo` e tí' dsíi' dsea` do jogui cajo e røø` e ja` cøøng` cóo'.

³ Jo Fidié' nicacuør' jnea` coo` ta` uí' e lajo cali'iaang` dsíir' cajmээр` cóo` jnea`. Jo co' lajob cajmée`guir, j_oba' fí' i 'nú', dsea` rú`naa' dsea` quiá' Dsea` Jmáang-, e jí' jaang` 'nú' 'né- ni'f` áa'na' e niing- gui eáang' laco' jí' e catíng- ni'f` áa'na' cuaiñ` quí'na'. Co' 'né- e ni'f` áa'na' jí' laco' catíim- lí' laco' jí' tíi' e cangíng'na' quiá' Fidié' e já' líng'na' júu` quiá'r-. ⁴ Dsuco' lajaang` lajaang` jneaa`aa' seab` jmini`naa' cóo`gui loguá`naa' jogui e jie`gui cajo, jo lacoø` e jo quí`ii' jmaquíim' ta` íing` lacoø`. ⁵ Jo lajob lí' jneaa`aa' cajo, dsea` lí'naa' dsea` quiá' Dsea` Jmáang-, co' nańi' fa' fíim`baa' eáang', dsu' lafa' jaam` dsea` lí'naa' i já' líng' júu` quiá' Dsea` Jmáang-. Jo ja` ee` lí' lí' lí'naa' jmaquíing` lajaang` lajaang`naa', dsu' lafa' jaam` dsea` lí'naa' lajaléng'naa'.

⁶ Jo e cuør' Fidié' jneaa`aa' e íaang` dsíir' jmaquíim' nicangíng'naa' lajaang` lajaang`naa'. J_oba' song nicacuør' jneaa`aa' e tíi`naa' guiá`naa' júu` quiá'r- fí' quini` dsea` jiéng', j_oba' lajob 'né- jmó`oo' lí' laco' jí' tíi' e nicangíng'na' e já' lí'naa' júu` quiá'r-. ⁷ Jogui song nicacuør' jneaa`aa' e nijmé`naa' ta` e nijmicóo`naa' dsea`

rú'naa', joba' lajob 'né- jmó'oo'. Jogui song nicangíng'naa' quiá'r- e tii'naa' e ni'é'naa' dsea`rú'naa' júu` quiá'- Dsea` Jmáang-, joba' lajob 'né- jmó'oo' jóng. ⁸ Jogui song nicangíng'naa' quiá'r- e tii'naa' e nicuó'naa' bí dsea`rú'naa', joba' lajob 'né- jmó'oo'. Jogui song nicangíng'naa' quiá'r- e nijmicóo'naa' dsea`rú'naa' cóo' jalé' e sea`quí'naa', joba' lajob 'né- jmó'oo' e ngocáng`dsi'naa'. Jogui song nicangíng'naa' quiá'r- e oo'naa' cóo`ta~, joba' eáam' 'né- e ñiing`dsi'naa' e nijmó'naa' e ta`jo. Jogui song nicangíng'naa' quiá'- Fidiéé` e nijmicóo'naa' jaléng' dsea`rú'naa' i li~ 'né- quiá'- lajo, joba' lajob 'né- jmó'oo' e íaang`dsi'naa'.

Jial 'né- seeng`dsea`quiá'- Dsea`Jmáang-

⁹ Jo fíi`guíi`'nú', dsea`rú'naa' dsea`quiá'- Dsea`Jmáang-, dseáng'- e ngocáng`óo'ba' 'né- nijmi'neáang`na' dsea`rúng'na', jo o' lí' júu` e fól'na' e jmoo'na' lajo. Jogui 'né- e ní' máam'ba' jalé' e ja`dseeng`, co' lí' lí' dseáng'- jíi~ e guíu'ba' 'né- nijmée'na'. ¹⁰ Jogui jmi'neáang'na' dsea`rúng'na' lí' lacó'gui catíng- e jmóo`dsea`quiá'- Dsea`Jmáang-, jogui nijmi'goo`rúng'na' cajo.

¹¹ Jo ja` 'né- jmée'na' fíng'-na', co' lí' lí' 'né- e nicuó' bí yaang`na' e nijmée'na' jalé' ta~ e nicangíng'na' quiá'- Fidiéé`.

¹² Jo e íaang`óo'ba' 'né- seeng'na' la'eáang' e dseáng'- nitab~ óo'na' e niliseem'ba' cøong` cóo' Fidiéé` fí` ñífi` quiá'r- mi~ nití- e í`jo. Jogui 'né- e jmée'na' féng' óo'ba' cóo' jalé' fí'í` dsíi' e dsingíng'-na', jogui cajo ja` 'né- tá'na' e fóng'na' Fidiéé`.

¹³ Jo jaléng' dsea`rúng'na' dsea`quiá'- Dsea`Jmáang- i li~ sea`go fí'í` dsíi' quiá'-, joba' 'né- e nijmicóo'baa're jóng. Jogui íng'na' cóo' júu` røø` jaléng' dsea` i guilíng- fí' quií'na'.

14 Jogui mîi~na' Fidiée~ cōo` e guiú~ uíi~ quíá'~ jaléng' dseá` i jmáng' 'nú' ga, jō dseáng'~ lajob 'né~ jmée^na' cōo'r~ jogui jie~ mî~ fó'na' júu^ 'lí^ uíi~ quíá'r~.

15 Jō jmi'íáang` óo'na' cōo'~ jaléng' dseá` rúng'na' dseá` quíá'~ Dseá` Jmáang~ i íáang` dsíi', jogui jmee~na' fíí^ fing seeng` i líng' lajo.

16 Jō røøb` 'né~ seeng`na' jee~ la'ó' 'nú', dseá` líng'-na' dseá` quíá'~ Dseá` Jmáang~. Jō ja` 'né~ e jmiyløng'^ yaang~na', cō' lí^ lí 'né~ e seeng'na' e røøb` líng'na' laco'gui líng' i dseá` i ja` jmiyløng'^ yaang~ jee~ jaléng' 'nú'. Jogui ja` güi'f' óo'na' e dseáng'~ líng'na' dseá` i tiing` ngáng'. 17 Jō ja` jmoo'na' quí' taa' cōo'~ dseá` rúng'na' song ee`gō ca'leer' quíi~na', cō' 'nú' 'né~ nijmi'úung'na' e nijmée^na' dseáng'~ jmang'~ e guiúb~ cōo'~ doñí' ií dseá` rúng'na'. 18 Jō jie' jii'~ cartí' lí~ quíi'~na' jmi~ jmee~na' e niliseeng`na' juguiú~ júu^ røø` cōo'~ lajaléng' dseá` rúng'na'. 19 Jō e laba' iin~n fíi~guíi' 'nú', dseá` rú'naa' dseá` quíá'~ Dseá` Jmáang~ i 'neáan` eáang', e mî~ ee`gō ca'leé' dseá` quíi~na', ja` 'né~ fa' e nicó^na' quíi~na', cō' ja` dseeng` e jmée^na' lajo; cō' lí^ lí 'né~ e nisée~na' fí' jaguó` Fidiée~ e júu^ jō, cō' íbing' i ní'f' í' laco' catfing~; cō' lalab fé'r' fí' ní' jì quíá'r~: "Jneab~ Fidiée~ dseá` catíin~n e ní'íi~ i í' laco' catfing~, jō jnea~bing' i níqui'^ taa' dseáng'~ laco' sí'í'." Jō lanab jii'~ lí' júu^ e jing'~ Fíi'naa' Fidiée~ fí' ní' jì quíá'r~. 20 Jō lalab fé'gui cajo fí' ní' jì quíá'r~: "Jō song jaang` dseá` i 'ní' níing~ 'nú' mî'r' 'nú' e nidó'r~ osi e ní'í'r' é, jōba' 'né~ cuø'ba're lajii'~ e mî'r' 'nú' do. Jō mî~ nijme'^ lajo, lajoba' nilí' í' líng~ i 'ní' níing~ 'nú' do cōo'~ lajii'~ e jmóor` cōo'~ 'nú' do." 21 Jō jie~ mî~ cuøøng` uø' fa' e jalé' e ja` dseeng` nilí' 'nú', cō' la'eáang' e jmoo' jalé' e guiú~, lajoba' nilí' jalé' e ja` dseeng` do.

13

¹ Jo e laba' iin~n fii~guú' 'nú', dsea' rú'naa' dsea' quiá'~ Dsea' Jmáang~, e lajiim' 'nú' 'né' jmeé^na' núu'~na' jalé' ta~ quiu' dseata~ i seeng'. Dsüco' Fidiée'bing' i nicacuø' e ta~ jo quiá'~ jaléng' dseata~, jogui cajo 'ñiab' Fidiée' dsea' nicaguiar' uuing~ e seeng' jaléng' î. ² Jo co' lajob líí, joba' jaléng' dsea' i jmóo' laang' cõo'~ lajii' ta~ quiu' dseata~, joba' ja' jmóor' núu'r~ jóng lajii' ta~ e nicaquiú' Fidiée'. Jo jaléng' dsea' i jmóo' lajo, joba' yaam~bre 'nó'r e nidsijée' huúng' quiá'r~, co' iihuú' ni'ín'. ³ Dsüco' jaléng' dseata~ ja' seeiñ' fa' e niféiñ' jaléng' dsea' i jmóo' jalé' e guiú~, dsüco' jaléng' dsea' i jmóo' ga'bing' i nijmeáiñ' lajo. Jo song 'nù' iin'~ e niliseen' e ja' 'gón' dseata~, joba' 'né' e ni'ee'~ e guiú'~ jóng, jo lajoba' nifé' dseata~ guiú' uii' quií'. ⁴ Co' Fidiée'bing' i caguúng' jaléng' dseata~ e laco' nijmicóo'r' 'nù'. Jo dsu' song jmoo' jalé' e ja' dseeng', joba' 'né' jme'^ 'gó'ba' cõo'r~ jóng; co' e liing~ ta~ba' e quié' dseata~ 'ma'u' quiá'r~, co' cõo'~ e joba' e cuø' lí' ee' ta~ oor', co' 'ñiab' Fidiée' dsea' cacuø'r' dseata~ e óoiñ' do ta~ e laco' nicuø'r' iihuú' jaléng' dsea' i jmóo' laang' lajii' ta~ quiu'r'. ⁵ Jo uii'~ e lajob líí, joba' dseáng'~ laguúim' 'né' e nijmée'^ núu'~ jalé' ta~ quiu' dseata~, dsu' o' fa' e laco' ja' ni'ín'~ iihuú', co' uøø'ba' 'né' e ni'í' o' e dseáng'~ e guiú'~ba' e nijmée'^ lajo. ⁶ Jo uuing~ e lajob cajo, joba' quiú' 'nù' cuu~ e mí' dseata~; dsüco' Fidiée'bing' i caguúng' jaléng' dseata~, joba' jii' jo ta~ quiá'~bre e quiá'~ e quiu'r' ta~.

⁷ Joba' fii~guú' 'nú', dsea' rú'naa' dsea' quiá'~ Dsea' Jmáang~, jmití^na' lajii'~ e catíng~na'; joba' cuøø'~na' jaléng' i dsea' i óo'gõ ta~ lajii'~ e catíiñ~ e niñíñ, fa' jaléng' i catíng~ e ni'íng' jalé' cuu~ e soo' fii, joba' qui~na' e jo; jogui jalé' e cuu~ e quiá'~ ee'gõ ta~ jmoo'na' osi ee'gõ sea' quií'~na', joba' qui~na' e jo cajo. Jogui

jmi'goo`na' jaléng' dsea` i óo`go ta~, co' lajob catíng` e nijmées`na', jogui jmiféng'na' lajaléng' dseata~ laco' catíng` cajo.

⁸Jo ja`jmíøøng`yaang`na' cóo'~ jí'~ jaang`dsea`, co' lí' lí' `né` e nijmi'neáang`na' dsea` rúng`na'; dsuco' i dsea` i jmi'neáang`dsea` rúng` nicajmiti`bre øø lají'~ júu` quiu' ta~ e cajme' Moi~. ⁹Jo lalab fé' e júu` quiu' ta~ do: "Ja` 'lee'~ e nigüín' cóo'~ dseamî osi dseañu` i o' quií'~, jogui jie~ mí` jngán' dsea` rún', jogui ja` jmoo'` hì, jogui ja` fó' júu` ta~ júu` e laco' ni'lee'~ quiá'~ dsea` rún', o'gui jmoo'` dsihuín' quiá'~ jaléng' dsea` rún' cajo." Jo jalé' e júu` quiu' ta~ na cóo'~gui jalé'gui e júu` quiu' ta~ e caguiee`gui do dseáng'~ lalab jí'~ lí' cóo' e júu` quiu' ta~ e fé' lala: "Jmi'neáang` jaléng' dsea` rún' lí' laco'gui jmi'neáan' uø'." ¹⁰ Dsuco' i dsea` i jmi'neáang` jaléng' dsea` rúng', jmang'~ jalé' e guiúb` jmóor` cóo'~ jaléng' i dsea` í. Co' mí` jmi'neáang` dsea` rúin' dseáng'~ laco' sí'í, joba' jmiti`bre laco' fé' jalé' júu` quiu' ta~ e cajme' Moi~.

¹¹Jo sea`bì uiing` quiá'~ e nijmé`naa' lajo, co' dseáng'~ 'né` e ñí`baa' guiú` jialco' nilí' e see`naa' jmi~ na, jogui cajo 'né` e ñí`baa' e nicatí`b` í' e nijmijnée` dsi`naa' contøøng`. Co' dseáng'~ nijaquíem' e jmi~ e nijáa'tu Fí'naa' Dsea` Jmáang` fí` jmigüí` la e laco' nitøør` jneaa`aa', dsea` i nicaleáaiñ` jee~ jalé' dsee` quiá'~. Dsuco' lana dseáng'~ niquíá'~gui e jmi~ jo laco'gui ie~ lami~ já'~ calí`naa' júu` quiá'r'. ¹² Co' lana nilí' lafa' e tí` lí' nijneá, co' nijaquíem' e jmi~ jo; joba' 'né` e nitú`baa' jalé' e ja` dseeng' e lami~ jmoo`naa' e qui'~ tíng` dsea` jmóor` fí` lí` nuu, co' ja` 'né` jmó'oo' lajo. Co' lí' lí' 'né` e nijmó'oo' jalé' e qui'~ tíng` dsea` jmóor` fí` lí` jneá, e jmáang'~naa' ta~ jalé' e nicacuø' Fidiée` jneaa`aa' e laco' nijmi`øng' yee`naa' lí' laco'gui jalé' e jmáang'~ ta~ jaang` 'lee` mí`

dséer' fí' jee~ 'nii'. ¹³ Jo contøøm~ 'né~ ee~ naa' røø` laco' catfing~ lí' laco'gui la jmóo` dsea` i seeng` fí' lí' jneá; co' ja' 'né~ e jmó'oo' fa' e seáang'~ rú'naa' e nidsi'né'^naa' méé' osi e nidsé^ee' lí' tí' jmií~ e ta' dsea' míí'~ eáang', osi e güüi'naa' cóo'~ dseañu' osi dseamf' i o' qui'naa', osi lí'^ doñí' ee' e 'lí'^ e jíé'gui é, o'gui e jmoo~ naa' ta' jfing' osi ta' dsihuíng' quiá'~ dsea' rú'naa' é. ¹⁴ Co' o' lajo e 'né~ jmée' 'nú', co' lí'^ lí' 'né~ e teá'gui nisíng'~ na' cóo'~ júu^ quiá'~ Fíi'naa' Dsea' Jmáang~ e jmáang'~ na' ta' jalé' e jmi'óng'~ yaang~ na' e nicacuø'r' 'nú' lí'^ laco'gui jalé' e jmi'óng'~ 'ñia' jaang' 'lée~. Jogui ja' 'nó'na' jial e nijmi'iaang' óo'na' cóo'~ jalé' e ga' e lí' óo'na' e sea' fí' jmi'gü' la.

14

Ja'en' dsea`rún' dsea`quiá'~ Dsea`Jmáang~

¹ Jo fíi'guí' 'nú', dsea' rú'naa' dsea' quiá'~ Dsea' Jmáang~, íng'na' røø` jaléng' dsea' quiá'~ Dsea' Jmáang~ i ja' mí' 'goo' teáang~ teá' cóo'~ júu^ quiá'~ dsea' do, jo ja' jmoo'na' ta' jfing' cóo'r'~ uíí'~ quiá'~ jalé' e í' óo'na'. ² Co' seem' dsea' quiá'~ Dsea' Jmáang~ i í' dsíi' e cuøøm' lí' dø'r~ lí'^ doñí' ee' jmiñi', jogui dsu' seem' bi cajo i jiu~ bi mí' teá' sing' cóo'~ júu^ quiá'~ Dsea' Jmáang~ jo í' dsíi' e jíi'~ ja'ba' cuøøng' lí' dø'r~. ³ Jo co' lajob' líí', joba' i dsea' quiá'~ Dsea' Jmáang~ i í' dsíi' e cuøøm' lí' dø'r~ lí'^ doñí' ee' jmiñi', joba' ja' cuøøng' fa' e jmi'jlong' 'ñia'r' uíí'~ quiá'~ i dsea' rúíñ' i gø'~ layaang~ ja' do; jogui i dsea' i í' dsíi' e cuøøm' lí' dø'r~ layaang~ ja', joba' ja' cuøøng' e ni'éiñ~ i dsea' rúíñ' i í' dsíi' e cuøøm' lí' dø'r~ lí'^ doñí' ee' jmiñi'. Jo dsu' quiá'~ Fidié' ja' ee' líí' e gø' dsea' lajalé', co' nica'ím'bre i dsea' i líng' lajo.

⁴ Jo ja' dseeng' fa' e ni'éen'~ jaang' dsea' i jmóo' ta' quiá'~ jaang'gui dsea'. Dsüco' cuaiñ~ quiá'~ i fii' quiu' ta' quiá'r~ dob song ca'uíng~ guiá'~ lajíí'~ ta' jmóor' osi ca'uíng~

ga` é. Jo dsu' guiúb- ni'uíng- quiá'r-, co' eáam' 'gøng' Fíi'naa' Dsea` Jmáang-, jo í'bing' i nijmicóo'~ e ni'uíng- guiá- quiá'- i dsea` do.

⁵ Jogui cajo: Seem` dsea` quiá'- Dsea` Jmáang- i í' dsí' e niing- gui e liing~ jmi~, jogui seem` bi cajo i í' dsí' e røøb` lí' lajalé' jmi~ jo ja` sea` jmi~ fa' e niing- gui. Jo dsu' lajaang` lajaam` dsea` 'né- e ta~ dsíir' røø` còo'~ lajii'~ e í' dsíir' do. ⁶ Jo co' i dsea` quiá'- Dsea` Jmáang- i í' dsí' e niing- gui e liing~ jmi~ jo jmóor` lajo e laco' nijmi'gór` Fíi'naa' Fidiée'. Jogui i dsea` quiá'- Dsea` Jmáang- i í' dsí' e cuóøm` lí' dór^ lí^ doñí' ee` jmiñi` jo jmóor` lajo e laco' nijmi'gór` Fíi'naa' Fidiéeb` cajo, jogui cuø'bre gui'máang'~ dsea` do. Jogui i dsea` quiá'- Dsea` Jmáang- i í' dsí' e lajii'~ ja'ba' cuøøng` lí' dør- jo jmóor` lajo e laco' jmi'gór` Fíi'naa' Fidiée` jogui cuø'bre gui'máang'~ dsea` do cajo.

⁷ Jo jii'~ jaang` jneaa~aa', dsea` líi'naa' dsea` quiá'- Dsea` Jmáang-, see- naa' la ne'naa' yee~naa' o'gui júung- naa' la ne'naa' yee~naa' cajo. ⁸ Co' song see- naa' fi' jmi'güi' la, lí' lajo e laco' e jmi'goo- naa' Fíi'naa' Dsea` Jmáang-; jogui song catí' í' e nijúu^ naa', lí' lajo e laco' e nijmi'goo- naa' Fíi'naa' Dsea` Jmáam- cajo. Jo ja` e lí' song see- naa' fi' jmi'güi' la osi nijúu^ naa' é, co' dsea` quiá'- Dsea` Jmáam- líi'naa'. ⁹ Jo cajúng- Dsea` Jmáang-, jo mi~ cangí' jo, ca- jí'tur calé' catú-; jo calí- lajo e laco' nilíiñ' Fii~ qui- naa', dsea` see- naa' fi' jmi'güi' la, jogui lajob líiñ' Fii~ cajo quiá'- jaléng' dsea` quiá'r- i nicajúng-.

¹⁰ Jo co' lajob líí', joba' ja' fi' sea` quií' fa' e ni'éen'~ dsea` rún' dsea` quiá'- Dsea` Jmáang-, o'gui fa' e nijøøñ'~ re e uøng- gui cajo. Co' téé' óó'na' e lajaang` lajaam` jneaa~aa' 'né- ngiing~ naa' fi' quini` Dsea` Jmáang- mi~ tí' lí' nití- í' lajo e laco' dsea` do niquidsir' í' qui- ii' laco' si'f'. ¹¹ Co' lalab fé' Fíi'naa' Fidiée' fi' ni~ jì' quiá'r-:

Jnea~ Fidiée~ fá^-a e dseáng^- e já^-ba' e seen^-,
 jogui fí' quini~baa lí~ nisí^n lajiing` dsea` uó^- jnir~ e laco'
 nijmiféiñ' jnea~,
 jogui nijjñ'^ e jíi'^ jneab~ Fidiée~.
 Jo lanab fé^n Fidiée~ fí' ni~ jí` quiá'r^-.

¹² Jo co' lajob nilí, joba' lajaang` lajaam` jneaa~aa' 'né^-
 e niguiéé^naa' júu^ fí' quini~ Fidiée~ mi~ tí' lí~ nití^- í' e
 niquidsir' í' qui^-ii'.

Ja`jmoo'^ e niténg'^ dsea`rún'^ fí' ni~ dsee^-

¹³ Jo co' lajob líí, dsea` rú'^na' dsea` quiá'^- Dsea`
 Jmáang^-, joba' ja' 'né^- e éeng~naa' jaléng'^ dsea` rú'^naa'.
 Co' lí'^ lí' 'né^- e nijmi'úung^na' e ja' nijmée^na' jíi'^ coo` e
 ga` e dseáng^- e niténg'^ dsea` rúng'^na' fí' ni~ dsee^- osi
 e nitár^- e já^- líiñ^ júu^ quiá'^- Dsea` Jmáang^- é. ¹⁴ Jogui
 jnea~, la'eáang` e lín^n jaang` dsea` i jmoo`o lajii'^ e iing~
 Fíi'naa' Dsea` Jmáang^-, joba' eáam' nita~ dsii^- e lajaléb^n
 e quiee~naa' e sea' fí' jmigúf la jmang'^ e guiáb^- líí. Jo
 dsu' seem` dsea` i í' dsíi' e seab` e ja' dseeng`, joba' lajob
 líí dsu' lajii'^ quiá'^- i dsea` íb`. ¹⁵ Jogui song cóo'^ jalé^n e
 cø'^na' seem` dsea` rúng'^na' dsea` quiá'^- Dsea` Jmáang^-
 i ja' tí' dsíi' jalé^n e jmoo`na' do, jo song lajob líí, joba'
 lafa' ja' jmi'neáam`ba' i dsea` rúng'^na' do jóng. Jo uíi'^
 e lajob líí, joba' fíi^-i 'nú^n e ja' cuóøng` e cóo'^ jalé^n e
 cø'^na' nijmé^- e niténg'^ dsea` rúng'^na' fí' ni~ dsee^-, co'
 uíi'^ i dsea` íbing' e cajúng^- Dsea` Jmáang^- fí' dse'^ crúu^.
¹⁶ Joba' fíi^-i 'nú^n, ja' jmoo`na' jíi'^ coo` e laco' dseáng^-
 e nifé^n dsea` ga` uii~ quiá'^- jalé^n e í' óo'na' e guiá^- . ¹⁷ Jo
 mi~ Fidiée~ quier' nifí' qui^-naa', jo' quiu'gui ta~ qui^-ii'
 fa' jalé^n e quiee~naa' osi jalé^n e 'né'^naa' é, co' e laba'
 e eáang`gui 'né^- nijmó^oo' la'eáang` cóo'^ Jmigúf quiá'^-
 Fidiée~, e see^-naa' e jmoo^-naa' laco' iing~ Fidiée~, jogui
 e see^-naa' juguiú^- júu^ røø, jogui e íaang` dsi'naa' cajo.

18 Jo i dsea` i jmóo` lana cóo`~ lajii`~ e ta` e canghiin` quia`- Dsea` Jmaang-, joba' i dsea` i jmi'iaam`bre dsii` Fidiée` jogui guiúb- fé` jaléng` dsea` rúin` uii`~ quia`r- cajo.

19 Jo lana fii`-i 'nú', dsea` rú'naa', e contøøm- 'né- e nijmi'úung`naa' e nijmó`oo' jalé` e laco' nilisee`-naa' juguiú- júu` røø` cóo`~ jaléng` dsea` rú'naa', jogui cajo e nijmicóo`- rú'naa' e laco' nili'naa' e teágui nisíng`-naa' cóo`~ júu` quia`- Dsea` Jmaang-. 20 Jo uii`~ cóo`~ jalé` e cø`na' ja` jmoo`na' e laco' dseáng`~ ni'íng- lajii`~ e jmóo` Fidiée` cóo`~ lajaang` lajaang` dsea` quia`r-. Jo dseáng`- e jáb-, guiúb- lajalé` e gø` dsea`, dsu' e doba' ja` dseeng` e song cóo`~ jalé` e cø`na' do nijmé- e niténg` dsea` rúng`na' dsea` quia`- Dsea` Jmaang- fi` ni` dsee-. 21 Joba' guiú- gui e ja` cø`na' ngúu` o`gui u`na' jmi`^ mi`^ huíng` jó` o`gui jmée`na' jii`~ cóo` e laco' dseáng`~ e niténg` dsea` rúng`naa' dsea` quia`- Dsea` Jmaang- fi` ni` dsee-. 22 Joba' fii`-i 'nú' e jii`~ yaam`ba' 'né- ñi`na' fi` quini` Fidiée` jial tíi` já`- líng`na' cuaiñ` quia`- e jo. Jo eám' juguiú- quia`- i dsea` i ta` dsii` e guiúb- jalé` e jmóor-, co' ja` cuø` dsee- 'ña'r` lajee` e jmóor` lajo. 23 Jogui dsu' song sea` cóo` jmiñi` e ta` dsii` i dsea` i e ja` cuøng` lí dó'r- jo song cagø`r e jo, joba' dseeb- ca'éer` jóng fi` quini` Fidiée`, co' dseáng`- ja` tab` dsii` e cajméer` e guiú- mi` cajméer` e jo.

15

O' jii`~ uø` 'né- jmi'iaang` o', co' lajob 'né- jme` cóo`~ dsea` rún`

1 Jo fii`-guiú 'nú', dsea` rú'naa' dsea` quia`- Dsea` Jmaang-, e jaléng` jneaa`aa', dsea` eáng`gui teá nitée`-naa' cóo`~ júu` quia`- dsea` do, 'né- e nijmicóo`~baa' jaléng` dsea` rú'naa' i ja`gui teáng- teá cóo`~ e júu` jo. Co' ja` 'né- jmó`oo' dseáng`- lajii`~ e guiú- quí`naa'

yee~naa'. ² Jo lajaang` lajaang` jneaa~aa' 'né~ see~naa' e jmi'iaang`naa' dsíí jaléng' dsea` rú'naa' e laco' ni'uúing~ guiá~ quiá'r~, jo lajoba' cuøøng` e teá'gui nisíñ'~ cóo'~ júu^ quiá'~ Dsea` Jmáang~. ³ Co' jì'gui Dsea` Jmáang~ ja` ca'no'r~ jial laco' nijmi'iaang` dsíir' `ñia'r', có' lí^ lí cangongíiñ~ jíi~ laco' fé' fí' ní jì quiá'~ Fidiée~ lí~ fé' lala: "Jalé' e ga` e café' dsea` uii~ quií'~, jneab~ cangongíing~ jalé' e jo." ⁴ Jo lajalé' júu^ e fé' fí' ní jì quiá'~ Fidiée~ e cajme' dsea` lamaliñ~gui eáang' calí~ lajo e lí^ laco' e' jneaa~aa' jialco' nijmó^naa' té'ee' cóo'~ jalé' e huíng' e dsijée' qui~ii', jogui cuø' jneaa~aa' bî cajo; jo lajoba' dseáng'~ nita~ dsi'naa' e nilisee~baa' cøøng` cóo'~ Fidiée~ fí' ñifí~ quiá'r~ mi~ nití~ e í' jo. ⁵ Jo Fidiéeb~ dsea` i cuø' jneaa~aa' e jmoo~naa' té'naa' cóo'~ jalé' e dsingíing~naa' do jogui e cuø'r' jneaa~aa' bî cajo. Jo uí'~ e lajob líí, joba' mñ'~i dsea` do e güijmicóo'~bre 'nú' e laco' røøb~ niliseeng`na' lajee~ la'ó' 'nú' lí^ laco'gui ca'ée` Fíi'naa' Dsea` Jmáang~. ⁶ Jo lajoba' nijmiféng'naa' Fidiée~, Tiquiá' Fíi'naa' Dsea` Jmáang~, colíing~ lajñ'naa'.

Mí~ canúu~ dsea` i ja` líng' dsea` Israel júu^ quiá'~ Dsea` Jmáang~

⁷ Jo lajob fñ~ guí 'nú', dsea` rú'naa' dsea` quiá'~ Dsea` Jmáang~, e íing'~ rúng'na' e íaang` óo'na' lí^ laco'gui ca'íng' Dsea` Jmáang~ 'nú', jo lajoba' e nijmiféng' dsea` Fidiée~. ⁸ Jo jnea~ fñ~i 'nú' e Dsea` Jmáang~ cagüéiñ~ fí' jmigüü' la e laco' nijmicóo'r~ dsea` Israel. Jo calí~ lajo e lí^ laco' cuø' lí e dseáng'~ jmitib~ Fidiée~ júu^ quiá'r~ lí^ laco' júu^ e cacuø'r' 'líi~ dsea` áang' qui~ii', dsea` Israel, ie~ malíi~gui do. ⁹ Jogui cajá~bî Dsea` Jmáang~ cajo e laco' jaléng' dsea` i ja` líng' dsea` Israel nijmiféiñ' Fidiée~ uí'~ e eáang' fí' líng~ dsea` do jaléng' i dsea` í lí^ laco'gui la fé' fí' ní jì quiá'~ Fidiée~ lí~ fé' lala:

Jø nijmifén'n 'nua' jee~ jaléng' dsea` i ja` líng' dsea` Israel, jogui nijmifén'n 'nua' cóo'~ jalé' e øø~.

¹⁰ Jø lalab fé'gui cajo fí' ni~ jì' quiá'~ Fidiée':

jmi'iaang' óo'na', dsea` quiá'~ Fidiée' i ja` líng' dsea` Israel,

colíng' cóo'~ jaléng' dsea` i líng' dsea` Israel!

¹¹ Jø lalab fé'gui fí' ni~ jì' quiá'~ Fidiée' cajo:

Jmiféng'na' Fii'naa' Fidiée' jaléng' 'nú', dsea` i ja` líng' dsea` Israel,

i seeng' jalé' fii'jiu jogui jalé' fii' cóo'~.

¹² Jø lalab fé'gui fí' ni~ jì' quiá'~ Fidiée' e cajme' Safí':

Nabi nijáa' jaang' dsea` siju' Isai,

jø íb' i niquiú'~ ta~ quiá'~ jaléng' dsea` i ja` líng' dsea` Israel.

Cø' cóo'~ i dsea` i nijáa' do,

íb' i nicuó' e ta~ dsii' jaléng' i dsea' í.

Jø lanab fé' fí' ni~ jì' quiá'~ Fidiée'.

¹³ Jøba' mii'~i Fidiée' i cuó' e ta~ dsii'naa' do e güicuó'bre 'nú', dsea` já' líng'na' júu^ quiá'r~, e seeng'na' e íaang' óo'na' jogui e seeng'na' juguiú' júu^ røø; jø lajoba', la'eáang' cóo'~ bí e 'gøng' quiá'~ Jmiguí quiá'r~, dseáng'~ eáang'gui güijmitar~ óo'na' e niliseeng'na' cóo'r~ fí' ñifí' quiá'r~ mi~ nití' e í' jø.

¹⁴ Dsea' rú'naa' dsea` quiá'~ Dsea' Jmáang~, dseáng'~ eáam' nita~ dsii' e 'nú' eáam' guiúng~na' cóo'~ jaléng' dsea' rúng'na', jogui e guiúb~ nií'na' jial' né' seeng'na', jogui cajo eáam' qui'na' jmi~ e cuó'na' bí rúng'na'.

¹⁵ Dsu' e fí' ni~ jì' la nicateá~ dsii' e nicajmée'~ e qui'na' tú' 'ní' mí'^ júu^ e teáb'jiu; jø dsu' cajmé~ e lajø e lí'^ lacø' nijmiguién'n áa'na' jalé' e jø. Jø lajøb cajmé~ e uí'~ e ta~ e nicangín'n quiá'~ Fidiée', cø' dseáng'~ eáam' guiúng~ dsea` do cóo'~ jnea~ e jí'~ ja` catíin~n lajø. ¹⁶ Jø cajméeer' lajø cóo'~ jnea~ e lí'^ lacø' nijmee~ e lají'~ e iing' Dsea`

Jmáang⁻ fí jee[~] jaléng^l dsea[`] i ja[`] líng^g dsea[`] Israel. Jo cangínⁿ cō^o ta[~] quiá^l- Fidiéé[~] e lí[^] laco^l niníⁱ~i júu[^] quiá^l- jial láang[`] dsea[`] do jaléng^l dsea[`] jee[~] jalé^l dsee⁻ quiáíñ⁻. Jo jmóo^o lajō e lí[^] laco^l cuóøng[`] nijóøñ^l~n fí quinir[~] jaléng^l i dsea[`] í e lííñ^l do lafa^l cō^o feá^l- e jlo[^] jmeafí^h e nití⁻ dsíir^l jogui e nicaligüeang^l la'eáang^g cō^o~ Jmiguí[^] quiá^l-r⁻.

¹⁷ Jo dsea[`] quiá^l- Dsea[`] Jmáang⁻ líng^g jnea[~], joba^l seab^l uing[~] quié⁻ e eáang^g jmi'íáang[`] dsii⁻ uí^l~ jalé^l e ta[~] e nicangínⁿ e jmóo^o quiá^l- Fidiéé[~]. ¹⁸ Dsūco^l ja[`] teá^l dsii⁻ e nifá[^] a jíí^l~ cō^o júu[^] e jié^l gui jíí^l~ laco^l e nicajméé⁻ Dsea[`] Jmáang⁻ cō^o~ jnea[~] e quiá^l- e nicaguaia⁻ júu[^] jee[~] jaléng^l dsea[`] i ja[`] líng^g dsea[`] Israel e laco^l nijméiñ⁻ do núu^r~ lajíí^l~ ta[~] quiá^l- Fidiéé[~]. Jo lajōb nicajmééiñ⁻ do la'eáang^g cō^o~ jalé^l júu[^] e nicaguiá⁻ a cō^o~ gui jial nica'ee⁻ jee[~] jaléng^l i dsea[`] í, ¹⁹ jogui cō^o~ jalé^l e lí[^] e quií^l~ Fidiéé[~] jmií[~] e jmóor^o cō^o~ e güea[^] e 'gøng^g quiá^l- Jmiguí[^] quiá^l-r⁻. Jo lanaba^l guiúb^l nicatán^l e ta[~] do quié⁻ e e quiá^l- e níⁱ~i júu[^] quiá^l- Dsea[`] Jmáang⁻ quiá^l- jial laang[`] dsea[`] jee[~] jalé^l dsee⁻ quiá^l-r⁻, jō e jō canaan⁻ fí Jerusalén cartí^l caguié⁻ e fí lí[^] se^l Iliria. ²⁰ Jo nicajmé⁻ e úung[`] e niníⁱ~i júu[^] e quiá^l- jial laang[`] dsea[`] jee[~] jalé^l dsee⁻ quiá^l-r⁻ dseáng^l- e fí lí[^] ja[`] mí canúu⁻ dsea[`] júu[^] quiá^l- Dsea[`] Jmáang⁻ jíí^l~ cō^o ya^l lami[~] jééng^g gui. Jo calí⁻ lajō uí^l~ e jnea[~] ja[`] iin[~] n fa^l e niníⁱ~i e júu[^] jō fí lí[^] nicajméé⁻ dsea[`] lajō. ²¹ Co^l cajmé⁻ e lajō lí[^] laco^l caliti⁻ laco^l la fé^l fí ní[~] jí^l quiá^l- Fidiéé[~] lí[^] fé^l lala:

Jaléng^l dsea[`] i dseáng^l- jíí^l~ cō^o ya^l ja[`] mí canúu⁻ júu[^] quiá^l- Dsea[`] Jmáang⁻,
 dseáng^l- ninú⁻ bre e júu[^] jō;
 jogui dseáng^l- ningám^l e júu[^] jō jaléng^l dsea[`] i ja[`] mí canúu⁻ e júu[^] jō cajo.
 Jo lanab fé^l fí ní[~] jí^l quiá^l- Fidiéé[~].

Mi~ ca'f' dsii' Paa~ e nidsér~ fí Roma

²² Jo uii' e ngii~ ta~ guia' júu^ quia'~ Dsea` Jmáang~, joba' ja` mí cacuø' fí quie~ e fa' e ninii~i e ni'ee'e 'nú', dsea` rú'naa' dsea` quia'~ Dsea` Jmáang~ i neáng' fí na fí Roma, nañi' fa' jmiguiab' ya' nica'f' dsii~ e nijmee'e lajo, dsu' ja` mí calí~ quie~ e lajo. ²³ Dsu' lanagui nicatób' ta~ jmoo`o e fí guoo'~ uø~ la; jo co' ningóob'jiu eáang' e í dsii~ e ni'ee'e 'nú', ²⁴ joba' sijeem' e lajob nilí lajee' e iuun~ fí e ngoo'ó fí guoo'~ uø~ lí sií España. Jo mí ningí e nineeng~ rú'naa' fí na, joba' iin~n e jaléng' 'nú' nijmicóo'~na' jnea~ cóo'~ jalé' e 'né' e lajee' e ngoo'ó fí España. ²⁵ Jo dsu' ná'~gui e ngoo'ó fí na fí Roma, jang'~ níng'~teáa fí Jerusalén e nicoo'~o capí'~ jalé' e 'né' dsea` quia'~ Dsea` Jmáang~ i tiñíing~ i seeng' fí jo. ²⁶ Dsaco' jaléng' dsea` quia'~ Dsea` Jmáang~ i seeng' fí Macedonia cóo'~gui i seeng' fí Acaya ca'f' dsii' yaaiñ~ e liing~ e caseaiñ' capí'~ jogui e nisíñ~ quia'~ dsea` rú'naa' dsea` quia'~ Dsea` Jmáang~ i tiñíing~ i seeng' fí Jerusalén. ²⁷ Jo guiab~ cajmee' i dsea` í uii' e ca'f' dsii' e nijmicóo'r~ i dsea` rúin' do lajo. Dsaco' jaléng' dsea` quia'~ Dsea` Jmáang~ i líng' dsea` Israel eáam' nicajmicóo'r~ jaléng' dsea` quia'~ Dsea` Jmáang~ i ja` líng' dsea` Israel e laco' teá'gui casíñ' yaaiñ~ fí guiú~ cóo'~ Dsea` Jmáang~. Jo uii' e lajob líí, joba' jaléng' dsea` quia'~ Dsea` Jmáang~ i ja` líng' dsea` Israel dseáng'~ 'né'~ba' liing~ ee'go jmicóo'r~ jié' jí'~ quí'r~ jmii~ cóo'~ jaléng' i dsea` Israel do. ²⁸ Joba' dsifí mi~ nité' e ta~ e nijmee'e do e quia'~ nijáa'~a dsea` quia'~ Dsea` Jmáang~ i neáng' fí Jerusalén jalé' e caseáng' do, joguiba' nijúu~u e ninii~i fí España jóng, jo lajee' e iuun~ fí e ngoo'ó fí jo, joba' í dsii~ e ningiñ~n cateá' fí na fí Roma. ²⁹ Jo eáam' nita~ dsii~ e mi~ niguié'e e ni'ee'e 'nú' fí na, eáam' guiú~ nijmé~ Dsea` Jmáang~ cóo'~ jnea~aa'.

³⁰ Dsea` rú`naa' dsea` quiá' Dsea` Jmáang` , la'eáang` cóo' Fí'naa' Dsea` Jmáang` jogui la'eáang` cóo' e Jmiguí quiá' Fidié` e cuø' jneaa`aa' e eáam` 'neáang` rú'naa' do, joba' lana mîi`i 'nú' jmi'ee` e nijmicóo' rú'naa' colíing` e nimîi`na' Fidié` uii` quié`e. ³¹ Jo mîi`na' dsea` do e nijmér` î jnea` jee` jaléng` dsea` i ja` já` líng` júu` quiá' Fidié` i neáang` fí lí` se' Judea. Jogui mîi`na'r cajo e eáang` nili'íng` ta` quiá' jaléng` dsea` rú'naa' dsea` quiá' Dsea` Jmáang` i neáang` fí Jerusalén lají` e quiee` quiá'r`. ³² Jo ngí` jo, song nicuø` Fidié` fí, joba' niguiéé`baa fí na jóng cóo' juguiú` e ni'ee`e 'nú', jo lajoba' cuøong` lí jmi'ín`n lajee` see`naa' colíing`. ³³ Jo mîi`i Fidié` i cuø` e seeng` dsea` juguiú` júu` røø` e güiliseem`bre cóo' jaléng` 'nú' lata`.

Jo lajob nilí`.

16

Júu` guicóo' quiá' Paa` e catíng` dsea` seeng` fí Roma

¹ Dsea` rú'naa' dsea` quiá' Dsea` Jmáang` i seeng` fí na fí Roma, lana fîi`i 'nú' cuaiñ` quiá' jaang` dseamî` i sii` Febe i jmóo` ta` jmicóo' jaléng` dsea` quiá' Dsea` Jmáang` i seeng` fí Cencrea. ² Jo i dseamî` la dsea` quiá' Dsea` Jmáam` líiñ`, joba' ím`ba're cóo' e guiú` lí` la-co'gui catíng` e íng` dsea` i dsea` la'í. Jogui jmicóo'na're cóo' lí` doñí` ee` e 'né`r`, dsuco' eáam` nicajmicóo'r` jaléng` dsea` rúíñ` lí` laco'gui la nicajméer` cóo' jnea`.

³ Jogui guiéen`n júu` guicóo' quiá' Prisca cóo'gui i dseañu` quiá'r` i sii` Aquila, co' i dsea` na røøb` nicajmó`naa' ta` guiá` júu` quiá' Dsea` Jmáang` cóo'r`. ⁴ Co' lají` gám` i dsea` na jiü` ja` mí` cajúum`bre dsu` uii` e nicajmicóo'r` jnea`. Jo co' lajob nicajméer` cóo' jnea`, joba' cuøø`-øre gui'máang`; jo dsu` o' jíi` jnea` jmóo`o lajo, co' lajob jmóo` cajo jaléng` dsea` quiá' Dsea`

Jmáanḡ i ja` líng' dsea` Israel. ⁵ Jogui guiéen' n júu` guicóo' quiá' jaléng' dsea` rú' naa' dsea` quiá' Dsea` Jmáanḡ i seáng' fí' na fí' quiá' Prisca cóo' gui Aquila. Jogui guiéem' baa júu` guicóo' cajo quiá' i seen` rø` cóo' i 'neáan` eéang' i sii` Epeneto, co' íb` la'uii` dsea` i calínḡ dsea` quiá' Dsea` Jmáanḡ fí' la'únḡ fí' lí' se' Asia. ⁶ Jogui guiéem' baa júu` guicóo' quiá' Yá' cajo, co' eám' nicajméer` ta` jmicóo' jee` 'nú'. ⁷ Jogui guiéen' n júu` guicóo' quiá' dsea` góo' i sii` Andrónico cóo' gui Junias, dsuco' conrøob` cajnínḡ naa' fí' dsí' 'nuñ' cóo'r̄. Jogui jaléng' dsea` apóo' quiá' Dsea` Jmáanḡ eám' guiá' fé'r` uii` quiá' laji` gánḡ i dsea` góo' na, jo i dsea` na jéeng' guib calicuír` júu` quiá' Dsea` Jmáanḡ laco' gui jnea`.

⁸ Jogui guicóob' i dsea` i sii` Ampliato, i dsea` quiá' Dsea` Jmáanḡ i eéang' rø` seen` cóo'. ⁹ Jogui guicóob' cajo i dsea` i sii` Urbano i jmóo' ta` colínḡ cóo' jnea`; jogui guicóo' bi cajo i dsea` i sii` Estaquis i eéang' seen` rø` cóo' cajo. ¹⁰ Jogui guicóo' bi cajo i dseañu` i sii` Apelles i nicagüi' fí' guiá' jee` jalé' e huíng' e nicangongüiñ` uii' e teá' siñ' cóo' júu` quiá' Dsea` Jmáanḡ; jogui guicóob' cajo jaléng' i dsea` sinúu' quiá' Aristóbulo. ¹¹ Jogui guicóob' cajo i dsea` góo' i sii` Herodión cóo' gui jaléng' i dsea` sinúu' quiá' Narciso, co' dsea` quiá' Dsea` Jmáam` líiñ' cajo. ¹² Jogui guicóob' Trifena cóo' gui Trifosa, co' laji` gám` biñ' na jmóor` laji' ta` e nicangüiñ` quiá' Dsea` Jmáanḡ; jogui guicóob' cajo i dseamf` i sii` Pérsida i eéang' seen` rø` cóo', co' i dseamf` na eám' nicajméer` ta` e nicangüiñ` quiá' Dsea` Jmáanḡ. ¹³ Jogui guicóob' cajo i dseañu` i sii` Rufo, jaang' dsea` i dsíng' ní' dsea` e cüiñ' Dsea` Jmáanḡ jogui e eám' teá' siñ' cóo' júu` quiá' dsea` do cajo; jogui guicóob' niquiá'r` cajo, dsuco' í líng' lafa' niquié' baa cajo. ¹⁴ Jo guicóob'

Asíncrito cóo'~gui Flegonte cóo'~gui Ermes cóo'~gui Patrobas cóo'~gui Ermas cóo'~gui jaléng' dsea` quiá'~ Dsea` Jmáang- i neáng' cóo'r~ do. ¹⁵ Jogui guicóob'~ Filólogo cóo'~gui Julia cóo'~gui Nereo cóo'~gui i dseamf rúin' do, jogui guicóo'~ Olimpás cajo cóo'~gui lajiiing` dsea` quiá'~ Dsea` Jmáang- i neáng' cóo'~ lajaléng' dsea` na.

¹⁶ Jogui jaléng' 'nú', dsea` líing'na' dsea` quiá'~ Dsea` Jmáang-, lacoó'ya' mi' fón' rúng'na' se' guoo' rúng'na'. Jo lajaléng' dsea` quiá'~ Dsea` Jmáang- i seeng` fí la guieín' júu^ guicóo'~ quí'~na'.

¹⁷ Dsea` rú'naa' dsea` quiá'~ Dsea` Jmáang-, iin~n nimí'~i 'nú' lahuíng' e nijmée^ í' yaang~na' cóo'~ jaléng' i dsea` i ngí' ta~ jmóo' 'nii' jee~ jaléng' dsea` quiá'~ Dsea` Jmáang-, jogui jmóor` quijí~ jial nitú dsea` fí guíú~ lí~ niteáaiñ~ cóo'~ Dsea` Jmáang-, dsuco' cóo'~ jalé' e jmóor` do ja` cóoong` røø` cóo'~ júu^ quiá'~ Dsea` Jmáang- e nica'íing'~ 'nú'. Joba' fí'~i 'nú' e ni'naam- yaang~na' jee~ jaléng' i dsea` í'. ¹⁸ Dsuco' jaléng' i dsea` la'í' ja` jmóor` ta~ e nicangíiñ` quiá'~ Fí'naa' Dsea` Jmáang-, co' jmóor` jíí'~ laco' í' dsíir' yaam~bre. Jogui fé'r' júu^ jlo'^ e róo- e lí'^ laco' lí'r' jmigóoiñ` dsea` i ja` quí'~ tíing` jmóo' jalé' e ga, jo lajoba' lí'r' jaléng' í'. ¹⁹ Jo lajiiim` dsea` quiá'~ Dsea` Jmáang- ñir' e eáam' núu'~ 'nú' júu^ quiá'~ Dsea` Jmáang-. Jo uí'~ e líing'na' lajo, joba' eáam' íáang` dsii~ cóo'~ 'nú' jogui iin~n e cóo'~ jalé' e niñí'na' do nilí'íing` ta~ quí'~na' quiá'~ e nijmée^na' jmang'~ jalé' e guíú~ jo o' quiá'~ e nijmée^na' jalé' e ja` dseeng`. ²⁰ Jo Fidiée~ i cuo' e seeng` dsea` juguíú~ júu^ røø', lajmináb- nijgiáaiñ~ fii' i 'líng' i sii' Satanás cartí' uii~ tí'~na', jo lajoba' jo` cuoøong` fa' e nilí'guir' 'nú'. Jo míí'~i Fí'naa' Dsea` Jmáang- e ni'ír- güea'^ quiá'r- fí' jee~ 'nú' lajiiing'na'.

²¹ Jogui Timoteo, jaang` dsea` rú'naa' i jmóo' ta~ quiá'~ Dsea` Jmáang- colíing~ cóo'~ jnea~, guiem'bre júu^

guicóo' quí-na' cajo, jogui lajobi jaléng' i dsea` góo' o i sii` Lucio cóo'~gui Jason jogui Sosípater guiém'bre júu` guicóo' quí-na' cajo.

²² Jogui jnea` Tercio, dsea` jmo'o e fí ni` jì lajalé' júu` quiá'- Paa`, guiém'baa júu` guicóo' quí-na' cajo, co' dsea` quiá'- Dsea` Jmáang` líin'n cajo.

²³ Jogui lajobi Gayo guiém'bre júu` guicóo' quí-na' cajo, co' fí quiá'-bre guing` jnea` lana, jo fí job cajo lí` seáng' jaléng' dsea` quiá'- Dsea` Jmáang` e jmiféin' Fidié'. Jogui Erasto guiém'bre júu` guicóo' quí-na' cajo, jo lana líin' dsea` i 'mea' cuu` quiá' fí; jogui lajobi jaang` dsea` quiá'- Dsea` Jmáang` i sii` Cuarto guiém'bre júu` guicóo' quí-na' cajo. ²⁴ Jo güi'fb` Fíinaa' Dsea` Jmáang` güea'^ quiá'r` jee` jaléng' 'nú'. Jo lajob nilí.

Júu` lí` cadséng` quiá'- Paa` e jmiféin' Fidié`

²⁵ Jo majmifém'baa' Fidié', co' í'bing' i quí'~ jmí~ i ni-jmé` e teá'gui nisíng'-na' cóo'~ júu` quiá'- Dsea` Jmáang` lí' laco' la fé' e júu` quiá'- Dsea` Jmáang` e guía' jnea` e quiá'- jial laang` dsea` jee` jalé' dsee` quiá'r`. Jo e júu` nab líi' e júu` quiá'- Fidié' e lami` si'maang` lajii' nú'-gui e nitiroo` jmigüi'. Jo dsu' lanagui nica-jmijnéem'bre e jo, jo e júu` job e guía' jnea` na. ²⁶ Dsu' lanagui nicaliñib' dsea` e júu` na la'eáang' cóo'~ jalé' jì e cajme' jaléng' i dsea` i café' cuaiñ` quiá'- Fidié' malí'gui eáang'. Jo calí' lajo e lí' laco' nilíti` ta` e caquiú' Fidié' i seeng` car` ngongí' jmí` do. Jo dsu' e júu` e si'ma` quiá'- Fidié' do, nicajmijnéem'bre lana e lí' laco' lajaléng' dsea` jmigüi' nijá'- líin' e jo jogui e nijmér` núu'r` cajo.

²⁷ Jo la'eáang' cóo'~ Fíinaa' Dsea` Jmáang` majmifém'baa' lata` jíi' Fidié', co' jíi' íb` i eáang' tíing` ngáng'. Jo lajob nilí.

Jo lanab cató' e ji` e cajme' Paa` e catíng` dsea` quiá'`
Dsea` Jmáang` i neáang' fí' Roma.

Júu 'mí e cacuo fidié
 New Testament in Chinantec, Comaltepec (MX:cco:Chinantec,
 Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 27 Jul 2020 from source files dated 25 Jan 2020

30c6f873-0dee-5863-8883-ba3c5eaa988c